

ಕೊರಿಂಥದವರಿಗೆ ಬರೆದ ಎರಡನೆಯ ಪತ್ರಿಕೆ **ಪೌಲನೆ ಕೊರಿಂಥವಾಳಾನ ಲೀಖ್ಯೋತೆ ಬೇನಿ** **ಚಿಟ್ಟಿ** **ಮಾಲುಮ್ ಕರಾನು**

ಕ್ರಿಸ್ತ ಪೈದಹುಯಿನ್ 55 ವರಖ್ತಾಧಿ ಧರೀನ್ 56 ವರಖ್ತಾನ್ ಬಾದ್‌ಮ ಆ ಚಿಟ್ಟಿ ಅಪೊಸ್ತಲ ಪೌಲನೆ ಕೊರಿಂಥ ಸಬೆವಾಳನ ಲೀಖಹುಯಿ ಹುಯಿರ್ಲ್ಹಸ್. 1:1 ಆ ಚಿಟ್ಟಿನ ಕೊರಿಂಥ ಸಬೆವಾಳನ ಪೌಲನೆ ಲೀಖಹುಯಿ ಬೇನಿ ಚಿಟ್ಟಿ ಹುಯಿರ್ಲ್ಹಸ್. ಪೌಲನು ಘಣು ಗಂಭೀರ್‌ಧಿ ಕೊರಿಂಥವಾಳಾನ ಪಾಲ್ತಳ್ ಲೀಖಿರಾಖ್ಯೊಡೋತೆ ಚಿಟ್ಟೇಮ ಲೀಖಿರಾಖ್ಯೊಡೋ ಕರಿ ಲೀಖಾಪಟ್‌ವಾಳು ನಂಬಸ್. 2:3-4 ವಚನ್‌ಮ ಲೀಖೈರುತೆ ತಿಮ್ ಆ ಚಿಟ್ಟಿನು ಖಿವೂಬಿ ಕಾಗತ್‌ಅಮ್ಮ ಅಪ್ಪಾಮ ಕೊಯ್ಲಿ. 2 ಕೊರಿಂಥ ಚಿಟ್ಟಿ ಘಣೇಧಿ ಪೌಲನೆ ಮೆಸೆಡೋನಿಯಮ ರ್ಡ್ವಾನಿವಖ್ತಾತೆ ಲೀಖಿರಾಖ್ಯೊಸ್ 2:13.

ಕೊರಿಂಥವಾಳಾನ ಲೀಖ್ಯತೆ ಭೇನಿ ಚಿಟ್ಟಿ ಘಣು ವಿಶೇಷ್‌ನು ಹುಯಿರ್ಲ್ಹಸ್. ಅನಾಮ ಅಪ್ಪು ಶೊಂತ್‌ನು ಅಜು ದಿಲ್ವ ಮಾಯ್ತೆಧಿ ಭರ್ತೆಹುಯಿ ಚಿಟ್ಟಿ ಹುಯಿರ್ಲ್ಹಸ್. ಪೌಲನೆ ಕೊರಿಂಥ ಸಬೇನಿ ಬಾರೇಮ ಅನೇಧಿ ಲಿದಿಹುಯಿ ವಾತೆನಿ ಬಾರೇಮ ಘಣು ಖುಷಿನ ಒತಾಳಿದೇಸ್. ಆ ಚಿಟ್ಟೇಮ ಜೂನಿ ಒಪ್ಪಂದನ ಆಧಾರ್‌ಕರೀನ್ ನವೇಧಿ ಶಿಕಾನು ಘಣು ಛೋಡನ್ ಬೋಲಿರಾಖ್ಯುಸ್ತೆ ಅಪ್ಪೆ ದೇಕ್‌ಯೇಸ್. ವಿಶೇಷ್‌ಧಿ ಪೌಲನೆ ಯೆರೂಸಲೇಮ್‌ನ ವಿಶ್ವಾಸಿಖ್ವಾರನ ಮದತ್ ಹುವಾನಖ್ವಾಜೆ ಪೈಶ ಜಮಕರಾನಿ ಬಾರೇಮ ಪೌಲನೆ ವಾಟ್ ವತಾಳಾಮ ಬೋಲಿವತಾಳಸ್ 8—9 ಹಜ್ಜ ಥೋಡುಜಣು ಅಪೊಸ್ತಲ್‌ಖ್ವಾರು ಸಬೆನ ಭಾರ್ ಖ್ವುಮಾರ್‌ಜಣು ಅದ್ಮಿವೋನು ಉಪಚಾರ್‌ನ ಲೀನ್ ಇವ್ವುನ ಪೌಲನು ವಿರೋದಿಕರಾನ ದೇಖುಕರ್ತುಡು. ಇವ್ವೆಪೌಲನಿ ಅದಿಕಾರ್‌ನ

ಉಪ್ಪರ್ ಕೈರಾಡೋಳೆ ದೇಮುಕರ್ತುಡು. ಬೇನಿ ಕೊರಿಂಥವಾಳಾನ ಲೀಖರಾಮ್ಮುತೆ ಚಿಟ್ಟಿನ ಖರ್ತಿಮ ಇನೆ ಯೇಸುಕ್ರಿಸ್ತನೊ ಏಕ್ ಅಪೊಸ್ತಲನು ಅದಿಕಾರ್‌ನ ಲೀರಾಮ್ಮೊಡೊ ಕರಿ ಬೋಲಾನು ಆ ಹುಕುಮ್ ಘಣೇಧಿ ಘಣು ಖಮಜ್‌ಮ ಆವಸ್.

ಕಾಡಿದೇಖೊ

1. ಪೌಲನೆ ಸಬೆವಾಳನ ಚಿಟ್ಟಿನ ಫಡಿವತಾಳಾನ ಶುರುಕರಸ್ 1:1-7—1:7
2. ಇನಕೇಡೆಡು ಪೌಲ ಇನಿ ನಿಕ್ಕಿಜಾವಾನಿ ಉದ್ದೇಶ್‌ಮ ಇನೆ ಬದಲಾವ್ ಕರಯ್ತೆ ಇನಿ ಬಾರೇಮ ಅಜ್ಜು ಇನಿ ಪೀಠಿನಿ ಚಿಟ್ಟೇಮ ಇನ ಮಾಲುಮ್ ಹುಯುತೆ ಇನ ಫರೈನ್ ಬೋಲ್ಯೊತೆ. 1:8—7:16
3. ಇನಕೇಡೆಡು ಯೊ ಯೆರೂಸಲೇಮ್‌ನ ವಿಶ್ವಾಸಿನಖ್ವಾಜಿ ಪೈಶ ಜಮಕರಾನಿ ಬಾರೇಮ ಇಷಾರ್ಕೊ ದೇಸ್. 8:1—9:15
4. ಖರ್ತಿಮ ಪೌಲನೆ ಇನ ಅಪೊಸ್ತಲನಿ ಹಕ್ಕಿ ಬಾರೇಮ ಹುಕುಮ್ ಕರ್ತೊಹುಯಿನ್, ಅಜ್ಜು ಇನಿ ಅಗ್ಲಿ ಚಿಟ್ಟಿನಿ ಬಾರೇಮ ಹೊಷಾರಿ ಕರಸ್. 10:1—13:10

¹ ದೇವ್ನಿ ಮರ್ಜಿಧಿ ಕ್ರಿಸ್ತ ಯೇಸುನೊ ಏಕ್‌ಜಣೊ ಅಪೊಸ್ತಲ ಹುಯಿರಯ್ತೆ ಪೌಲನೆ ಅಜ್ಜು ಇನೊ ವಿಶ್ವಾಸಿ ಭೈ ಹುಯಿರೋತೆ ತಿಮೊಥಿಯ ಕೊರಿಂಥಮ ಛಾತೆ ದೇವ್ನಿ ಸಬೇನಾಬಿ, ಅಖಾಯ ತಬರ್‌ಖಾಮ ಛಾತೆ ದೇವ್ನಿ ಅದ್ಮಿಯೇವ್‌ನ ಲೀಖಾನು ಶಾತ್‌ಕತೊ:

² ಅಪ್ಪೊ ಬಾ ಹುಯಿರಯ್ತೆ ದೇವ್‌ಥೀಬಿ, ಪ್ರಭು ಹುಯಿರಯ್ತೆ ಯೇಸು ಕ್ರಿಸ್ತಧಿಬಿ ತುಮುನ ವಾರ್‌ಖೊಬಿ ಶಾಂತಿಬಿ ಮಳಾದೆ.

ಪೌಲ ದೇವ್ನ ಕರಯ್ತೆ ಧನ್ಯವಾದ್ ಅಖ್ವು

³ ಅಪ್ಪೊ ಪ್ರಭು ಹುಯಿರಯ್ತೆ ಯೇಸು ಕ್ರಿಸ್ತನೊ ಬಾಬಿ, ದೇವ್‌ಬಿ ಹುಯಿರಯ್ತೆ ಇನ ಧನ್ಯವಾದ್. ಯೋ ಗೋರ್‌ಧಿ ಭರೈರವಾಳೊ ಬಾಬಿ. ಅಖ್ವಿ ತರಾಧಿ ಭಾಲಿ ದೈವಾಳೊ ದೇವ್ ಹುಯಿರೋಸ್.

⁴ ಅಪ್ಪುನ ಖತ್ತಾಪ್ಪಿ ಹುವಾನಿ ವಖ್ಖತ್‌ಮ ಯೋ ಅಪ್ಪುನ ಸಮಾಧಾನ್ ಕರಸ್; ಖತ್ತಾಪ್ಪಿಮ ರಯ್ತೆ ಬಿಜ ಅದ್ಮಿನ ಸಮಾಧಾನ್

ಕರಾನ ಅನೇಥಿ ಅಪ್ಪೆ ಜಿನುಬಿ ಶಕತ್‌ವಾಳ ಹುಯೆಸ್. ದೇವ್ ಅಪ್ಪುನ ಸಮಾಧಾನ್ ಕರಾತೆ ತಿಮ್ಮಸ್ ಅಪ್ಪೆ ಜಿನುಬಿ ಇವ್ವುನ ಸಮಾಧಾನ್ ಕರಾವಾಳ ಹುಯಿರ್ದೆಯೇಸ್.

5 ಅಪ್ಪೆ ಕ್ರಿಸ್ತನಿ ಕೈಯೇಕ್ ದರದ್ ಭಾಗ್‌ಲ್ಯವಾಳ ಹುಯಿರ್ದೆಯೇಸ್. ಅಮ್ಮಿನ್ ಪರಕ್ ಕ್ರಿಸ್ತನಿ ಜಾಖತ್ ಭಾಲಿಮಾಬಿ ಅಪ್ಪೆ ಭಾಗ್ ಹುಯಿರ್ದೆಯೇಸ್.

6 ಅಪ್ಪೆ ಖ್ತಾಪ್ಪಿ ಲಿಯೇಸ್ತೆ ಇನಖ್ವಾಜೆ ತುಮುನ ಸಮಾಧಾನ್‌ಬಿ ರಕ್ಷಣೆಬಿ ಮಳ್‌ಶೆ, ಅಪ್ಪೆ ಸಮಾಧಾನ್‌ನಿ ರಕ್ಷಣೆಬಿ ಹುಯಿರ್ದೆಯೇಸ್. ತುಮುನ ಸಮಾಧಾನ್‌ಖ್ವಾಜೆ ಹುಯಿರ್ದೆಯೇಸ್. ಮೇ ಲೀರಾಖ್ಯೊತೆ ದರದ್ ತುಮೆ ಶಾಂತಿಧಿ ಖ್ತಮಾಳಿಲ್ಯವಾನಿಘೋಣಿ ಯೊ ತುಮುನ ಭಾಲಿದೇಸ್.

7 ತುಮಾರಿ ಬಾರೇಮ ಹಮೂನ ಛಾತೆ ಭರೋಖ್ಯೊ ಘಟ್‌ಛಾ ಶನಕತೊ ತುಮೆ ಹಮಾರಿ ಭಾಲಿಮಾಬಿ ಭಾಗ್‌ಲ್ಯವಾಳ ಹುಯಿರ್ದೆಯೇಸ್ ತಿಮ್ಮಸ್ ಮದತ್‌ಲ್ಯಾವಮಾಬಿ ಭಾಗ್‌ಲ್ಯವಾಳ ಹುಯಿರ್ದೆಯೇಸ್‌ಕರಿ ಹಮೂನ ಖ್ತಮಜ್‌ಮ ಆಯಿರ್ದೆಯೇಸ್.

8 ಭೇನೆ ಭೈಯೇವೊ, ಹಮೆ ಏಷ್ಯಾ ತಬರ್‌ಖಾಮ ಖ್ತಮಾಳ್ಕಾತೆ ಖ್ತಾಪ್ಪಿನಿ ಬಾರೇಮ ತುಮೂನ ಮಾಲುಮ್‌ಪಡಾದೆ ಕರಿ ಹಮಾರಿ ಖ್ತಿಯಾಲ್ ಹುಯಿರಿಸ್, ಹಿಜ್ಜಾ ಹಮೂನ ಕೈಏಕ್ ಮೋಟಿ ಖ್ತಮಜ್‌ಧಿ. ಯೋ ಖ್ತಮಜ್‌ಖ್ವಾರಿ ಹಮಾರಿ ಶೊಂತ್ ಶಕಡ್ಲಿಬಿ ಘಣುಧು. ಜಾನ್‌ಖ್ತಮೇದ್ ಬಚಾನಿ ವಿಶ್ವಾಸ್ ಹಮೆ ಮ್ಹೆಲಿದಿದ.

9 ಅಪ್ಪೆ ಮರಿಭಾಶುಕರಿ ಅಪ್ಪೆ ಮಾಲುಮ್ ಕರಿರಾಖ್ತಾ. ಅಪ್ಪೆ ಅಪ್ಪಪರ್ ಭರೋಖ್ಯೊನಾ ರಾಕ್ಣುತೆ ಮರಾಹುಯಾನ ಉತಾಡವಾಳೊ ದೇವ್ ಉಪ್ಪರಸ್ ಭರೋಖ್ಯೊರಾಕ್ಣುಕರಿ ಆ ಅಮ್ಮಿ ಹುಯುತೆ.

10 ಮರಣ್ಣಿ ಆ ಘಣ ಖತ್ರೇಧಿ ದೇವ್ ಹಮೂನ ರಕ್ಷಣೆ ಕರೊಯ್ತಾ ಅಜು ಖ್ತಮಜ್‌ಬಿ ರಕ್ಷಣೆ ಕರ್ತೆ. ಹಮೆ ಇನಾಮ ಭರೋಖ್ಯೊ ರಾಖಿರಾಖ್ಯಾಸ್. ಯೋ ಹಮೂನ ಬಿಜು ಖ್ತಮಜ್‌ಬಿ ರಕ್ಷಣೆ ಕರ್ತೆ

11 ಆ ನಾಹುಯಿನ್ ತುಮೆ ತುಮಾರಿ ಪ್ರಾರ್ಥನೆಧಿ ಹಮೂನ ಮದತ್

ಕರುಕರಸ್. ತದೆ ತುಮಾರಿ ಪ್ರಾರ್ಥನೆಧಿ ದೇವ್ ಹಮೂನ ಆಶೀರ್ವಾದ್ ಕರಿರಾಖ್ಲೊತೆ ದೇಖಿನ್ ಕೈಏಕ್ ಭಣು ಹಮಾರ ಭಣೀಧು ದೇವ್ ಧನ್ಯವಾದ್ನಿ ಸ್ತುತಿ ಕರ್ತೆ.

ಪಾಲನಿ ಖ್ವೊಜ್ಹಮ ಬದಲಾವ್ಣಿ

12 ಹಮೆ ಆ ವಾತ್ನಿ ಬಾರೇಮ ಕಂಡಿ ಲ್ಲಡೈಲಿಯೇಸ್ಕಿ, ಹಮೆ ಖಲಿ ಅದ್ಮಿವೋನಿ ಅಕ್ಕಲ್‌ನ ಲಿದಾಕೊಂತೆ ದೇವ್ ವಾರ್‌ಖ್ವಾನ್ ಆಖ್‌ರಾಮ ಪರಿಶುದ್ಧಬಿ ನಿಯತ್‌ವಾಳಾಬಿ ಹುಯಿನ್ ಆ ಜಗತ್ತ್ ತುಮಾರಿ ಬಾರೇಮ ಚಾಲಿಲಿದಾಕರಿ ಹಮಾರು ದಿಲ್ ಹಮೂನ ಸಾಕ್ಷಿ ಬೋಲಸ್.

13 ತುಮೆ ಫಡ್ನ್ ಅಜು ಪೂರ ಪರಕ್ತಮಾಲುಮ್ ಕರಿಲೇವ್ಣುಕರಿ ಪಣ್ಣಿ ಮನ ಮಾಲುಮ್ ಛಾ. ಶನಖ್ವಾಜೆಬಿ ಕಾಹೆ. ಖ್ವೊಲಗು ತುಮೂನ ಅರ್ಥ ಉಷೆಕರಿ ಭರೋಖ್ವೊ ಕರೀನ್ ಮೇ ಮಾಲುಮ್ ಕರಿಲೇವುಸ್.

14 ತುಮೆ ಪಹಿಲೇಸ್ ಹಮೂನ ಮಾಲುಮ್ ಕರಿರಾಖ್ಲಸ್. ಹಮೆ ಪ್ರಭು ಯೇಸುಮ ಕಂಡಿಚ್ಚಡೈಲ್ಯವಾನ ಕಾರಣ್ ಹುಯಿರೈಯೇಸ್. ಅಪ್ಪೊ ಪ್ರಭು ಹುಯಿರೋತೆ ಯೇಸುಕ್ರಿಸ್ತ ಪಾಳ್ತೊ ಆವಾನ ದನ್ಮ ತುಮೆ ಹಮಾರಿ ಭರೋಖ್ವಾಮ ಛಾತೆ ತಿಮ್ ಹಮೆ ತುಮಾರಿ ಭರೋಖ್ವಾಮ ರೈಶುಕರಿ ತುಮೆ ಮಾನಿಲೇವೊಸ್.

15 ಮೇ ಆ ಅಖ್ವೀಸ್ ವಾತೆನ ಘಣು ವಿಶ್ವಾಸ್ ಕರಿ ರಾಖ್ಲೊಥೊ. ಇನಾಖ್ವಾಜೆ ತುಮೂನ ಪಹಿಲೆ ಮಳಾನ ಮೇ ಅಖ್ವಿ ಖ್ವೊಜ್ಹ ಕರಿರಾಖ್ಲೊಥೊ. ತದೆ ತುಮೂನ ಬೇಪಟ್ ಆಶೀರ್ವಾದ್ ಹುವಾನುಧು.

16 ಮೇ ಮೆಕೆದೋನಿಯನ ಜಾವಾನಿ ವಖ್ವತ್‌ಬಿ ಬಿಜು ಹಿಜ್ವಾಡೊ ಪಾಳ್ತೊ ಫರಿ ಆವಾನಿ ವಖ್ವತ್‌ಮಾಬಿ ತುಮಾರಕನ ಆವ್ಣುಕರಿ ಥೊ. ಬಿಜು ಯೂದಾಯ ತಬರ್‌ಖಾಮ ಜಾವಾನ ತುಮಾರೇಧಿ ಮದತ್ ಮಾಂಗ್‌ಣು ಕರಿ ಥೊ.

17 ಅಮ್ ಸೋಚ್ಲೊತೆ ಇನಖ್ವಾಜೆ ಮೇ ಘುಂಜ್‌ಳಾವ್ಣಿನೊ ಖ್ವಿಯಾಲೊ ಥೋಕಿಶು? ಇವ್ಣೆತೊ ಜಗತ್ತ್ ಖ್ವೊಜ್ಹಮ ಸೋಚಾನಿ

ವಖ್ವತ್‌ಮ “ಓಹೊ, ಓಹೊ” ಕರಿಬಿ ಯೋಸ್ ವಖ್ವತ್‌ಮ “ಕೊಯ್ನಿ, ಕೊಯ್ನಿ” ಕರಿಬಿ ಬೋಲಸ್ ಕೊಯ್ನಿ ಕಿ ಶು?

18 ತುಮೆ ದೇವ್ ವಿಶ್ವಾಸ್ ಕರಾವಾಳ ರ್ಲ್ಯಾತೊ, ಹಮೆ ತುಮುನ ಎಕ್ಸ್ ವಖ್ವತ್‌ಮ “ಓಹೊ” ಬಿಜು “ಕೊಯ್ನಿ” ಕರಿ ಬೋಲ್ಯ ಕೊಯ್ನಿ ಕರಿ ತುಮೆ ವಿಶ್ವಾಸ್ ಕರ್ತು.

19 ಶನಕತೊ ಸಿಲ್ವಾನಾಬಿ, ತಿಮೊಥೆಬಿ ಬಿಜು ಮೇ ತುಮುನ ಬೋಧನೆ ಕರ್ರೊತೆ ದೇವ್‌ನೊ ಛಿಯೊಹುಯಿರ್ರೊತೊ ಯೇಸುಕ್ರಿಸ್ತ ಓಹೊ ಕರಿಬಿ ಕೊಯ್ನಿ ಕರಿಬಿ ಬೇ ತರ ಕೋಥೂನಿ. ಕ್ರಿಸ್ತಮ ಕದೇಬಿ ರ್ಲೆಸ್ತೆ “ಓಹೊ” ಕರೀಸ್.

20 ಶನಕತೊ ದೇವ್ ಕರ್ರೊತೆ ವಾಗ್ಡಾನ್ ಅಖ್ಪು “ಓಹೊ” ಕರಿ ಜುವಾಬ್ ಹುಯಿರ್ರ್ಲ್ಯಾಸ್. ಇನಖ್ವಾಜೀಸ್ ಕ್ರಿಸ್ತಧಿ ದೇವ್ ಮಹಿಮೆನಖ್ವಾಜಿ ಅಪ್ಲೆ “ಆಮೆನ್” ಕರಿ ಬೋಲಿಯೇಸ್.

21 ದೇವ್ ತುಮುನಾಬಿ ಹಮೂನ ಏಕ್‌ಕರಿ ಮಳ್ಳೆರಾಖ್ಯೊಸ್. ಅಜು ಅಪ್ಪುನ ಅಬಿಷೇಕ್ ಕರೀನ್ ಕ್ರಿಸ್ತನಿ ಗಳ್‌ಜೋಡ್ಲ ಏಕ್ ಹುಯಿರಾಸ್. ಅನ ಖುಡ್ ದೇವಸ್ ಕರಿರಾಖ್ಯೊಸ್.

22 ಹಮೆ ಇನವಾಳಕರಿ ವತಾಳನಖ್ವಾಜಿ ಇನೆ ಹಮಾರಪರ್ ಮುದ್ರೊ ನಾಖಿರಾಖ್ಯೊಸ್. ಯೋ ಹಮೂನ ಕರ್ರೊತೆ ವಾಗ್ಡಾನ್ ಚಲಾವ್‌ಚೆ ಕರಿ ಬೋಲಾನ ಪವಿತ್ರಾತ್ಮನಾಸ್ ಅಪ್ಲ ದಿಲ್ಮ ದೀರಾಖ್ಯೊಸ್.

23 ತುಮಾರಕನ ಕೊರಿಂಥಮ ಆಯೊಕೊಯ್ನಿ ಇನಖ್ವಾಜಿ ಮೇ ದಿಲ್ ಭರ್ಚೆನ್ ಬೋಲುಕರುಸ್, ಅನ ದೇವಸ್ ಸಾಕ್ಷಿ ಹುಯಿರ್ರೊಸ್.

24 ತುಮಾರಿ ವಿಶ್ವಾಸ್‌ನ ಕಬ್‌ಜಾಮ ರಾಖಾನ ಹಮೆ ಕೋಶಿಶ್ ಕರುಕರೇಸ್ ಕರಿ ಮೇ ಬೋಲುಕರುಕೊಯ್ನಿ. ತುಮೆ ವಿಶ್ವಾಸ್‌ಮ ಘಟ್‌ಛಾ ಕತೋಬಿ ಹಮೆ ತುಮಾರಿ ಖ್ವುಶಿನಖ್ವಾಜಿ ತುಮಾರಿ ಜೋಡ್ಲಕಾಮ್ ಕರಾವಾಳ ಹುಯಿರ್ರ್ಲ್ಯಾಸ್.

2

1 ಕತೋಬಿ ಮೇ ಪಾಲ್ಟೊಫರಿ ತುಮಾರಕನ ದುಖ್‌ಧಿ ಆಯಿಶ್‌ಕೊಯ್ನಿ ಕರಿ ಮಾರಮ ಖ್ವುಜ್ ಕರೀಲಿದೊ.

2 ಮೇ ತುಮುನ ದುಖ್ ಕರಾಯೋತೊ, ಮನ ಮಿಷಿ ಕರಾವವಾಳುಕೋಣ್? ಮಾರೇಧಿ ದುಖ್ ಪಡ್ವಾತೆ ತುಮೆಖಾಯೆ ಶು.

3 ಅನೇಧಿ ಮೇ ಆ ಚಿಟ್ಟಿನ ಲಿಖ್ವೊತೆ ಮನ ಖುಶಿ ಕರಾವಾಳಸ್ ಮನ ದುಖ್‌ಮ ನಾ ನಾಖಿಲೇವ್ಣು ಕರಿ ಲಾರ್ಲುಸ್. ಮಾರಿ ಖುಶಿಸ್ ತುಮಾರಿ ಖುಶೀಕರಿ ತುಮೆ ಲಾರ್ಲುಸ್ ಕರಿ ಮೇ ವಿಶ್ವಾಸ್ ಕರುಸ್.

ಗಲತ್ ಕರವಾಳನ ಕ್ಷಮಾಕರಾನು

4 ಮೇ ಅಗಾಡಿ ಏಕ್‌ವಖ್ತ್ ತುಮುನ ಲೀಖಾನಿ ವಖ್ವಾತೆ, ಮಾರೊ ದಿಲ್ ಘಣು ಕಲಾವ್ಣಿ ಹುಯಿರ್ಲ್ವಾಡ್, ಬಿಜು ದುಖ್‌ಧಿಡ್. ಮೇ ಆಂರ್ಲುನಾಕ್‌ತೊ ಹುಯಿನ್ ತುಮುನ ಲೀಖ್ವೊತೆ, ತುಮುನ ದುಖ್ ಕರಾವ್ಣು ಕರಿ ಕಾಹೆ, ತುಮುನ ಕೆತ್ರೆ ಪ್ಯಾರ್‌ಕರೂಸ್ ಕರಿ ತುಮೆ ಮಾಲುಮ್ ಕರೀಲೆವ್ಣು ಕರಿ ಎತ್ರೇಸ್.

5 ತುಮಾರಿ ಸಬೇನೊ ಏಕ್‌ಜಣೊ ದುಖ್ ದಿದೋತೆ, ಮನ ಏಕ್ ಜಣನ ಕಾಹೆ ಏಕ್ ಕೊಂತೆ ಏಕ್ ಪರಕ್ತ ಇನೆ ಘಣ ಅದ್ವಿನ ದುಖ್ ದೀರಾಖ್ವೊಸ್. ಯೋ ದುಖ್ ಖ್ವಾರಾಸ್‌ಮ ಹುಯುಕರಿ ಮೇ ಬೋಲುಕೊಯ್ತಿ.

6 ತುಮೆ ಖ್ವಾರು ಮಳೀನ್ ದಿದಾತೆ ನಿಶತಸ್ ಬಶ್.

7 ಹಮ್ಗೆ ತುಮೆ ಇನ ಮಾಪ್ ಕರಿನ್ ಭಾಲಿದೆವ್ಣು ಕೊಯ್ತಿಕತೊ ಯೋ ಘಣ ದುಖ್‌ಮ ಡುಬಿಜಾಶೆ.

8 ಇನಾಖ್ವಾಜೆ, ತುಮೆ ಇನ ಪ್ಯಾರ್ ಕರೋಸ್ ಕರಿ ಇನ ವತಾಳ್ಣು ಕರಿ ಮೇ ತುಮುನ ಬೋಲೆಲೆವ್ಣು.

9 ಖ್ವಾರೀಸ್ ವಾತ್ಸಿ ಬಾರೇಮ ತುಮೆ ಮುಡ್‌ಕ್ಯು ಝುಕಾವವಾಳ ಹುಯಿರ್ಲ್ವಾಸ್ಕಿ ಕೊಯ್ತಿ. ಕಾಯಿತೋಬಿ ತುಮುನ ತರೀಪ್ಪ ಕರಿನ್ ಮಾಲುಮ್ ಕರಿಲ್ಯಾವಾನ ಮೇ ತುಮುನ ಆ ಚಿಟ್ಟಿನ ಲಿಖ್ವೊತೆ.

10 ತುಮೆ ಕಿನ ಮಾಪ್ ಕರೋಸ್ಕಿ ಮೇಬಿ ಇವ್ಣುನ ಕ್ಷಮಾಪಣ್ ಕರುಸ್. ತುಮಾರ ಖ್ವಾಜೆಸ್ ಇನ ಕ್ರಿಸ್ತನ ಖ್ವಾಮ್ಗೆ ಕ್ಷಮಾಪಣ್ ಕರುಸ್.

11 ಅಮ್ ಶೈತಾನ್ ಅಪ್ಪುನ ರಗಾವ್ಣುನಾಕರಿ ಅಮ್‌ಕರಕ್ಲೊ ಶನಕತೊ ಇನಿ ಖಿರಾಬ್‌ಖೂಜ್ ಅಪ್ಪುನ ಮಾಲುಮ್ ಳಾ.

ತೋವ ಕರಿ ಗಾಮ್ ಪೌಲನಿ ಚಾಲ್‌ಕುಚ್

12 ಮೇ ಕ್ರಿಸ್ತನಿ ಸುವಾರ್ತೆನ ಬೋಲಾನ ತೋವ ಖ್ವಿಯೇರ್ನ್ ಜಾವಾನಖ್ವಾಜೆ ಪ್ರಭುನೆ ಗೋರ್‌ಥಿ ಮನ ಬಾಕಲ್‌ಕಾಡೆನ್ ಅಟ್ಟು ಮಾರಗ್ ವತಾಳ್ಚೊ

13 ಕತೋಬಿ ಮಾರೊ ಬೈ ಹುಯಿರೋತೆ ತೀತನ ಮೇ ಹಿಜ್ಜಾ ದೇಖ್ಯೊಕೊಂತೆ ಮಾರ ದಿಲ್ವ ಸಮಾಧಾನ್ ಕೋಥೂನಿ. ಇನಖ್ವಾಜೆ ಮೇ ಇವ್ಣುನ ಧನ್ಯವಾದ್ ಬೋಲಿನ್ ಹಿಜ್ಜಾಥೊ ಮೆಕೆದೋನಿಯನ ನಿಕ್‌ಳ್ಯೊ

ಕ್ರಿಸ್ತಧಿಸ್ ಜೀತ್

14 ಕತೋಬಿ ಮೇ ದೇವ್ ಧನ್ಯವಾದ್ ಕರುಸ್. ಯೋ ಹಮೂನ ಕ್ರಿಸ್ತನಿ ಗಳ್‌ಜೋಡ್ ಕದೇಬಿ ಜೀತ್‌ನಿ ಜಯಭಣಿ ಚಲಾವ್ತೊ ಹುಯಿನ್ ಅಜು ಇನಿ ಗ್ಯಾನ್ನಿ ಅಫಿ ವಾಖ್ವೊನ ಅಖಿಬಾಜು ಹಮಾರೇಥಿ ಪೈಲಾವವಾಳ ದೇವ್

15 ರಕ್ಷಣೆನ ಮಾರಗ್‌ಮ ರ್ವಾಳಮಾಬಿ ಬಿಜು ನಾಶನನ ಮಾರಗ್‌ಮ ರ್ವಾಳಮಾಬಿ ಹಮೆ ದೇವ್ ಖ್ವಾಮ್ಚೆ ಕ್ರಿಸ್ತಮ ಮಹಿಕವ್ ಕರಿಯೇಸ್.

16 ನಾಶನನ ಮಾರಗ್‌ಮ ರ್ವಾಳ ಅದ್ವಿವೋನ ಮರಣ್ಣ ವಾಖ್ವೊಹುಯಿರಾಸ್, ರಕ್ಷಣೆನ ಮಾರಗ್‌ಮ ರ್ವಾಳ ಅದ್ವಿನ್ ಜಿವ್ವುಜಾನ್ನೊ ಮಾರಗ್ ಹುಯಿರ್ಲ್ವಾಸ್. ಅಮ್‌ರ್ವಾಪರ್ ಆ ಕಾಮ್‌ಕರ್ವ್ವಾನ ಕೋಣ್ ಯೋಗ್ಯ ಹುಯಿರುಸ್?

17 ಕೈಏಕ್ ಜುಣು ದೇವ್‌ವಚನ್ ಮಿಲಾವಟ್ ಕರಿ ಬೇಪಾರ್ ಕರಾಸ್. ಹಮೆತೋಬಿ ಇಮ್‌ಕಾಹೆ ದೇವ್‌ಮ ರ್ವೀನ್, ದೇವ್‌ಖ್ವಾಮ್ಚೆ ಕ್ರಿಸ್ತಯೇಸುನಿ ಗಳ್‌ಜೋಡ್ ಬರೋಬರ್ ಖೀವೊಕಿ ತೀನಸ್ ಹಮೆ ಬೋಧನೆ ಕರೇಸ್.

3

ನವಿ ಒಪ್ಪಂದಾನು ಸೇವೆಕರವಾಳು

1 ಹಮೆ ಹಮಾರಿ ಬಾರೇಮ ಬಿಜುಪಾಲ್ಟ ಖುರೈಲ್ಯಾವಾನ ಶುರು ಕರ್ಯಾಕಿಶು? ಕೊಯ್ನಿ ಥೋಡ ಭಣನ ಹೋಣುತೆ ತಿಮ್ ತುಮಾರಕನ ಆವಾನ ಮನ ಯೋಗ್ಯತೆನು ಚಿಟ್ಟಿ ಮಾಂಗಿಲೆವ್ಣು ಕಿಶು? ಕೊಯ್ನಿ ಬಿಜಿ ಆಡಿ ಜಾವಾನಿ ವಖ್ಖತ್‌ಮ ತುಮಾರೇಧಿ ಯೋಗ್ಯತೆನಿ ಚಿಟ್ಟಿ ಮಾಂಗಿಲೆವ್ಣು ಕಿಶು?

2 ಶೊಂತ್ ತುಮೇಸ್ ಹಮೂನ ಯೋಗ್ಯತೆನಿ ಚಿಟ್ಟಿ ಹುಯಿರಲ್ಯಾಸ್. ಯೋ ಚಿಟ್ಟಿಖಾರಿ ಹಮಾರ ದಿಲ್ಮ ಲಿಖೈರಲ್ಯಾಸ್. ಯೋ ಚಿಟ್ಟಿ ಖಾರ್ಡಸ್ನ ಮಾಲುಮ್, ಖಾರ್ಡಸ್ ಪಡಾಸ್.

3 ತುಮೆ ಹಮಾರಿ ಸೇವೆನ ಫಲ್‌ಧಿ, ಕ್ರಿಸ್ತನೆ ಹಮಾರ ಹಾತೇಧಿ ಲೀಖೈನ್ ದಿದೊತೆ ಚಿಟ್ಟಿಕರಿ ಮಾಲುಮ್‌ಕರಾಯ ಆ ಚಿಟ್ಟಿ ಲೀಖೈರಲ್ಯಾತೆ ಇಂಕ್‌ಧಿ ಕಾಹೆ, ಜಿವೊಜಾನೊ ದೇವ್ ಆತ್ಮಧಿ ಅನ ಬಂಡಾನ ಪಲ್ಲಾಪರ್ ಕಾಹೆ, ಅದ್ವಿನ ದಿಲ್ಮ ಪಲ್ಲಾಪರ್ ಲೀಖೈರಾಖೊಸ್.

4 ಆಧ್ರಾನು ಭರೋಖೊಕ್ರಿಸ್ತಮಥೂಸ್ ದೇವ್ ಖಾಪ್ಪೆ ಹಮೂನ ಲ್ಲಾ.

5 ಹಮಾರಿ ಶೊಂತ್ ಶಕತ್‌ಥೀಸ್ ಹಮೆ ಕೆಹುತೋಬಿ ಅಲ್ಫುಕರ್‌ಶು ಕರಿ ಮೇ ಬೋಲುಕೊಯ್ನಿ ಅಧ್ರಾನಿ ಶಕತ್ ಅಪ್ಪುನ ದೇವ್‌ಥೀಸ್ ಅಯಿರಲ್ಯಾಸ್.

6 ದೇವ್ ನವಿ ಒಪ್ಪಂದಾನನ ಸೇವೆಕರಾವಾಳ ಹುಯಿರಾವಾನಿ ತಾಖತ್ ದೇವ್‌ಸ್ ಹಮೂನ ದಿದೊ. ಆ ನವಿ ಒಪ್ಪಂದಾನ ಲೀಖಾವನಿ ರೂಪ್‌ಮಲ್ಲಾತೆ ಧರ್ಮಶಾಸ್ತ್ರ ಕಾಹೆ. ಆ ಹುಯಿರಲ್ಯಾತೆ ಪವಿತ್ರಾತ್ಮ ಹುಯಿರುಸ್. ಲೀಖಾವಣೆನ ರೂಪ್‌ಮಲ್ಲಾತೆ ಧರ್ಮಶಾಸ್ತ್ರ ಮರಣ್ಣ ಲ್ಯಾವ್‌ಶೆ, ಕತೋಬಿ ಪವಿತ್ರಾತ್ಮ ಜಾನ್ ದ್ಯಾವಾಳೊ ಹುಯಿರೋಸ್.

7 ಮರಣ್‌ದ್ಯವಾನು ನಿಯಮ್‌ನು ಸೇವೆ ಬಂಡಾನು ಪಲ್ಲಾನ್ ಉಪ್ಪರ್ ಲೀಖ್ತುಮ ಲೀಖೈರಲ್ಯಾಡ್ತು. ಯೋ ದೇವ್‌ನು ಮಹಿಮೆನ ಜೋಡ್ಡ ಆಯುಡ್ತು. ಮೋಶೇನು ಮೋಡು ಉಜಾಖ್ತೊಧಿ ಚಮ್‌ಕುಕರಲ್ಯಾಡ್ತುತೆ ಇನಾಖ್ತಾಜೆ ಇಸ್ರಾಯೇಲ್‌ವಾಳು ಇನ ಮೋಡಾನ ದೇಖಾನ ಹುಯುಕೋಯ್ನಿ ಇನಪಾರ್ ಯೋ ಮಹಿಮೆ ಕಮ್ ಹುಯಿಗು.

8 ಅನಾಖ್ವಾಜಿ ಪವಿತ್ರಾತ್ಮ ಸಂಬಂಧನಿ ಸೇವೆ ಬಿಚ್ಚೂಬಿ ಘಣು ಮಹಿಮೆನ ಲೀರಾಖ್ಯುಸ್.

9 ಅನಿ ಅರ್ಥ ಶಾತ್‌ಕತೊ; ಯೋ ಸೇವೆ ಅದ್ವಿನ ಅಪರಾದಿಕರಿ ತೀರ್ಪಾದಿದು, ಕತೋಬಿ ಯೋ ಮಹಿಮೆನ ಲೀರಾಖ್ಯುಧು. ಅನಾಖ್ವಾಜಿ, ನೀತಿನ ಕಪ್ಪನ್ ಹುಯಿರ್ದ್ವಿತೆ ಸೇವೆ ಬಿಚ್ಚೂಬಿ ಘಣು ಮಹಿಮೆನ ಉಬ್‌ಜಾವಾನು ಕೆತ್ತೇಕ್ಕಿ ಖ್ವಾಚಹುಯಿರೂಸ್.

10 ಯೋ ಜೂನಿ ಸೇವೆ ಮಹಿಮೆನ ಲೀರಾಖ್ಯುಧು. ಕತೋಬಿ ನವಿ ಸೇವೆನ ಖ್ವಾಜ್ವೊ ಯೋ ಮಹಿಮೆಕೊಂತೆ ಹುಯಿಗಯು.

11 ನೂಲ್ಟೈಗಿತೆ ಯೋ ಸೇವೆ, ಮಹಿಮೆನಿ ಜೋಡ್ವೊ ಐರ್ದ್ವಿಲುಶೇತೊ, ಕದಕದೇಬಿ ಭದ್ತಿ ಜಾವಾನಿ ಆ ಸೇವೆ ಬಿಚ್ಚೂಬಿ ಘಣು ಮಹಿಮೆನ ಲೀರಾಖ್ಯುಸ್.

12 ಶನಕತೊ ಹಮೂನ ಆ ಭರೋಖ್ವೊ ಲ್ಲಾತೆ ಇನಾಖ್ವಾಜಿ ಘಣು ಹಿಮ್ಮಡಿಲಿಯೆ.

13 ಕಂಬ್‌ಲೈಜಾಶೆತೆ ಮಹಿಮೆ ಉಚ್ಚೆಜಾಯಿತೆ ಇನ ಇಸ್ರಾಯೇಲ್‌ವಾಳು ನಾ ದೇಕ್ಕುತೆ ತಿಮ್ ಮೋಶೆ ಇನ ಮ್ಹೋಡಾನಪರ್ ಘುಮ್‌ಟೊ ನಾಖಿಲೇತೋಥೊ. ಹಮೆ ಮೋಶೆನಿಘೊಣಿ ಕಾಹೆ.

14 ಕತೋಬಿ ಇವ್ವಿ ಬುದ್ಧಿ ಮಂಕ್ ಹುಯಿರ್ದ್ವಿಧೀತೆ ಇನಾಖ್ವಾಜಿ ಇವ್ವೆ ಮಾಲುಮ್ ಕರೀಲಿದುಕೊಯ್ವಿ. ಇವ್ವೆ ಜೂನು ಒಪ್ಪಂದಾನನ ಪಡಾನಿ ವಖ್ವಾತೆ ಯೋಸ್ ಘುಮ್‌ಟೊ ಇವ್ವೆ ದಿಲ್‌ಪರ್ ಡಪ್ಪೆಜಾಸ್. ಶನಕತೊ ಖಲಿ ಕ್ರಿಸ್ತಧಿಸ್ ಯೋ ನಿಕ್‌ಲೈಜಾಶೆತೆ.

15 ಕತೋಬಿ ಹಮ್ಮೆಲಗೂಬಿ ಮೋಶೇನು ಧರ್ಮಶಾಸ್ತ್ರ ಪಡಾನಿ ವಖ್ವಾತೆ, ಇವ್ವೆ ದಿಲ್‌ಪರ್ ಘುಮ್‌ಟೊ ನಖ್ವಿರ್ದ್ವಿತ್.

16 ಇನಾಖ್ವಾಜಿ ಏಕ್ ಅದ್ವಿ ಪ್ರಭುನ ಭಣಿ ಫರೀನ್, ಇನ ಪೀರೆ ಜಾಲಾನಿ ವಖ್ವಾತೆಮ ಯೋ ಘುಮ್‌ಟೊ ನಿಕ್‌ಲೈಜಾಶೆ.

17 ಯೋ ಪ್ರಭುಸ್ ದೇವ್ವುಆತ್ಮ ಪ್ರಭುನು ಆತ್ಮ ರ್ದ್ವೀಸ್ತೆ ಹಿಜ್ಜಾ ಛುಟ್ಕಾರ್ ರ್ದ್ವೀಸ್.

18 ಕತೋಬಿ ಅಪ್ಪೆಖ್ವಾರು ಮುಚ್ಚಿರ್ದಿಯೆಕೊಂತೆ ಮ್ಹೋಡೇಡಿ ಪ್ರಭುನಿ ಮಹಿಮೆನ ಐನಾಮ ದೆಖಾವನಿತರ ಇನ ದೆಕ್ತಹುಯಿನ್ ಅಪ್ಪೆಖ್ವಾರು ಪ್ರಭುನಿ ಆತ್ಮನಿ ಮಹಿಮೆಡಿ ಜಾಖ್ವತ್‌ಹುಯಿನ್ ಯೊ ಮಹಿಮೆನ ರೂಪ್ ಲ್ಯವಾಳ ಹುಯೆಸ್. ಆ ಆತ್ಮ ಹುಯಿರ್ದೊತೆ ಪ್ರಭುನು ಕಾಮಸ್.

4

ಮಾಟಿನ ಹಂಡ್ತಾಮ ಆತ್ಮಿಕ್ ದೌಲತ್

1 ದೇವ್ವೆ ಇನಿ ಗೋರ್‌ಥಿ ಆ ಸೇವೆನ ಹಮೂನ ದಿದೋತೆ, ಇನಾಖ್ವಾಜಿ ಹಮೆ ಹಿಮ್ಮತ್ ಮ್ಹಂದಿನ್ ಪಾಲ್ಲ ಫರಿಯೆ ಕೊಯ್ತಿ.

2 ಗಪ್ಲತ್‌ನು ಬಿಜು ಖ್ವರಮ್ ಕಡೈಲ್ಯಾವಾನ ಖ್ವಾರ್ ಮಾರಗ್‌ಥಿ ಹಮೆ ದೂರ್ ಹುಯಿರಾಸ್. ಬಿಜು ಹಮೆ ಮಶ್ಲತ್ ಭಂದೈಯೇ ಕೊಯ್ತಿ. ದೇವ್ವಿ ವಚನ್‌ಮ ಮಿಲಾವಟ್ ಕರಿಯೆಕೊಯ್ತಿ. ಹಮೆ ಖ್ವಾಚ್‌ನ ಛೋಡಿನ್ ಬೋಲ್ಯೆಸ್. ಹಮೆ ನೀತಿವಾಳಕರಿ ಹರೇಕ್ ಅದ್ವಿನಿ ದಿಲ್ಲಿಸಾಕ್ಷಿ ದೇವ್ವ ಖ್ವಾಮ್ಪೆ ಮಾನಿಲ್ಯವಾನಿ ಪರಕ್ ಕ್ಕಾಲೆಯೇಸ್.

3 ಹಮೆ ಬೋಲೇತೆ ಸುವಾರ್ತೆ ಥೋಡಜ್ಜಣಾನ ಲಪಿರ್ದೊಲುಷೆತೊ ನಾಶನನ ಮಾರಗ್‌ಮ ರ್ವವಾಳನ ಖಲಿ ಯೋ ಲಪಿರ್ದೊಸ್.

4 ದೇವ್‌ನೊ ರೂಪ್ ಹುಯಿರೋತೆ ಕ್ರಿಸ್ತನಿ ಉಜಾಖ್ವ್‌ನ ವತಾಳನು ಮಹಿಮೆನಿ ಸುವಾರ್ತೆ ಅವ್ವಾಮ ಉಜಾಖ್ವ್ ನಾಹೊಣುಕರಿ, ಆ ಜಗತ್‌ನು ದೇವ್ ವಿಶ್ವಾಸ್‌ಕೊಂತೆ ಇವ್ವ ದಿಲ್ವ ಕಾಣು ಕರಿನಾಖ್ವು.

5 ಅಪ್ಪುನ ಅಪ್ಪೆಸ್ ಪ್ರಚಾರ್ ನಾಕರ್ದ್ತೆ ಅಪ್ಪುನ ಯೇಸುನ ಖ್ವಾಜಿ ತುಮಾರ ದಾಸಕರಿ ಬೋಲಿನ್ ಕ್ರಿಸ್ತ ಯೇಸುನಾಸ್ ಪ್ರಭುಕರಿ ಬೋಲೆಸ್.

6 “ಉಜಾಳು ಅಂಧಾರನ ಮಹಿಧು ಉಜಾಖ್ವ್ ಮ್ಹೋಲಾದೆ” ಕರಿ ದೇವ್ವೆ ಏಕ್ ವಖ್ವತ್ ಬೋಲಿರಾಖ್ಯೊಸ್. ಯೋ ದೇವಸ್ ಹಮಾರಿ ದಿಲ್ವ ಇನ ಉಜಾಳೇಡಿ ಉಜಾಖ್ವ್‌ಕರಿರಾಖ್ಯೊಸ್. ಕ್ರಿಸ್ತನ ಮ್ಹೋಡಪರ್ ಛಾತೆ ದೇವ್ವಿ ಮಹಿಮೆನ ಹಮೂನ ಖ್ವಮ್‌ಜಾಡಾಡಿ ಇನೆ ಹಮೂನ ಉಜಾಳು ದೀರಾಖ್ಯೊಸ್.

7 ಮಾಟಿನ ಮಟ್ಟಾನಿ ತರ ಭಿಯೇತೆ ಅಪ್ಪಾಮ ಆ ನಿಧಿ ಮೈಲಿರಾಖ್ಯತೆ ಇನಖ್ವಾಜೆ ಅಥ್ರಾನಿ ಮಹಾನ್ ಶಕತ್ ದೇವ್‌ನೀಸ್ ಪಣ್ಣೆ ಅಪ್ಪಾಮಾಥು ಆಯುಕೊಂತೆ ಖ್ವಾಜಿಸ್.

8 ಅಖ್ವಿಬಾಜು ಅಪ್ಪುನ ಕಲಾವಿ ರ್ವಯುತೋಬಿ ದಿಲ್‌ದುಖೈಲಿಯೇ ಕೊಯ್ಚಿ. ಅಪ್ಪುನ ರುಕ್ ನಾದೇಖಾಯುತೋಬಿ ಅಪ್ಪೆ ದುಖ್ ಕರಿಯೇಕೊಯ್ಚಿ.

9 ಹಿಜ್ಜಾ ಕೈವಕ್ ವಹೇರ್ಯುತೋಬಿ ಹಾತ್ ಮೈಲೈಗಯ ಕೊಯ್ಚಿ. ಕತೋಬಿ ಹೇಟ್ ಪಡಿಗಯಾತೋಬಿ ನಾಶ್‌ಹುವಾಳ ಕಾಹೆ.

10 ಹಮಾರ ಶರೀರಮ ಯೇಸುನೊ ಜಾನ್ ಅಪ್ಪಾಮ ಛಾಕರಿ ವತಾಳನಖ್ವಾಜೆ ಇನಿ ಮರಣ್ಣಿ ಖ್ವತಾಪ್ಪಿನ ಅನುಭವ್ ಕರಿಯೇಸ್.

11 ಯೇಸುನೊ ಜಾನ್ ಅಪ್ಪೆ ಮರ್ಯುಹುಯ ಶರೀರಮ ಛಾಕರಿ ವತಾಳನಖ್ವಾಜೆ ಜಿವ್ತಭಿಯೇತೆ ಅಪ್ಪೆ ಯೇಸುನಖ್ವಾಜೆ ಕದೇಬಿ ಮರಣ್ಣಿ ದೇತಾ ಭಿಯೆ.

12 ಇನಾಖ್ವಾಜೆ ಮರಣ್ ಹಮಾರಮ ಕಾಮ್ ಕರುಕರಸ್, ಕತೋಬಿ ತುಮಾರಮ ಜಾನ್ ಕಮ್ ಕರುಕರಸ್.

13 “ಮೇ ವಿಶ್ವಾಸ್ ಕರ್ಯೊತೆ ಇನಖ್ವಾಜೇಸ್ ವಾತ್‌ಬೋಲೊತೆ.” ಕರಿ ಪವಿತ್ರದಪ್ತರಮ ಲಿಖೈರ್ಯ್. ವಿಶ್ವಾಸ್‌ನು ಯೋಸ್ ಆತ್ಮ ಅಪ್ಪಾಮ ಛಾತೆ ಇನಖ್ವಾಜೆ ಅಪ್ಪೆ ನಂಬವಾಳಹುಯಿನ್ ವಾತೆ ಬೋಲಿಯೇಸ್.

14 ಪ್ರಭು ಹುಯಿರೋತೆ ಯೇಸುನ ಮರ್ಯಾಹುಯಾಮಾಥು ಉರಾಡೊತೆ ದೇವ್ ಹಮುನಾಬಿ ಕ್ರಿಸ್ತನಿ ಜೋಡ್ಡ ಉರಾಡ್‌ಶೆ ಕರಿ ಬೋಲಾನು ಹಮೂನ ಮಾಲುಮ್‌ಛಾ. ದೇವ್ ಹಮೂನ ತುಮಾರಿ ಜೋಡ್ಡ ಇನಖ್ವಾಜೆ ಭೀರಾಕಾಶೆ.

15 ಆ ಖ್ವಾರು ತುಮಾರು ನಫ್ವಾನ ಖ್ವಾಜಿಸ್. ಅಮ್ ದೇವ್ನಿ ವಾರ್‌ಖೊ ಜಾಖ್ವತ್, ಜಾಖ್ವತ್ ಅದ್ವಿನ ದೆವಾವ್‌ಶೆ ಇನಾಖ್ವಾಜೆಥಿ, ಘಣು ಘಣು ಅದ್ವಿ ದೇವ್ನಿ ಮಹಿಮೆನಖ್ವಾಜೆ ಧನ್ಯವಾದ್‌ನಿ ಸ್ತುತಿ ಕರ್ಶೆ.

ವಿಶ್ವಾಸ್‌ನು ಜಿವ್ಣು

16 ಅನಖ್ವಾಜಿಥೀಸ್ ಹಮೆ ಕದೇಬಿ ಡರ್ಶುಕೊಯ್ನಿ. ಅಪ್ಪು ತನ್ ನಾಶ ಹುಯಿಗುತೋಬಿ ಅಪ್ಪು ದಿಲ್ ದನ್‌ಪರ್ ದನ್ ನವು ಹೋತುಆವ್‌ಶೇ.

17 ಥೋಡ ದನ್‌ಲಗು ಹಮೂನ ನ್ಹಾನಿಮೋಟಿ ಖ್ವಿತ್‌ಪ್ಪಿ ರ್ಹಿಶೆ. ಕತೋಬಿ ಹರ್‌ಹಮೇಶಾನಿ ಮಹಿಮೆನ ಲೀಲ್ಯಾವಾನ ಯೋ, ಅಪ್ಪುನ ಮದತ್‌ಲುಶೇ. ಯೊ ಮಹಿಮೆ ಹಮ್ಕೇನಿ ಖ್ವಿತ್‌ಪ್ಪಿಥೀಬಿ ಮಹಾನ್ ಹುಯಿರ್‌ಶೆ.

18 ಅಪ್ಪೆ ದೆಖಾವತೆ ಇನಅಖ್ವು ದೆಖೈಕೊಂತೆ ಛಾತೆ ಇನ ದೇಖವಾಳ ಹುಯಿರಾಸ್. ಶನಕತೊ ದೆಖಾವತೆ ಅಖ್ವು ಥೋಡಿ ವಖ್ವತ್‌ಖಲಿ ರ್ಹೀಸ್. ದೆಖಾವಕೊಂತೆ ಯೋ ಹರ್‌ಹಮೇಶ ರ್ಹೀಸ್.

5

1 ಧರ್ತಿಪರ್ ಅಪ್ಪೆ ಜಿವಿರ್‌ತ್ತೆ ಆ ಡೇರೊ ಕತೊ ಆ ಶರೀರ್ ನಾಶ ಉಷೆಕರಿ ಅಪ್ಪುನ ಮಾಲುಮ್‌ಲ್ಲಾ. ಅಪ್ಪೆ ಜಿವಿರ್‌ತ್ತಾವಾನ ಖ್ವಾಜಿ ದೇವ್ ಅಪ್ಪುನ ಏಕ್ ಘರ್‌ದಿಶೆ. ಯೋ ಅದ್ಮಿನ ಹಾತೇಖ್ವು ಕರ್‌ಯು ಹುಯಿ ಪರ್‌ಲೋಕ್‌ಮ ದೇವ್‌ಧಿ ಬಣಾಯ್‌ಹುಯಿ ಹರ್‌ಹಮೇಶ ರ್ಹವಾನು ಘರ್ ಹುಯಿರುಸ್.

2 ಅಪ್ಪೆ ಆ ಶರೀರ್‌ಮ ರ್ಹವಾಲಗೂಬಿ ಕುರ್ಲಾವ್‌ತಾ ಹುಯಿನ್ ರ್ಹಿಶು. ಪರ್‌ಲೋಕ್ ಮಳಾಶೇತೆ ಅಪ್ಪ ಘರ್‌ನ ಅಪ್ಪೆ ಕದೆ ಲೀಲಿಶುಕರಿ ಉತ್ಪಾಳಿ ಕರಿಯೇಸ್.

3 ಅಪ್ಪೆ ಇನ ಫೇರಿಲಿದತೊ ಉಫಾಡ ಹುಯಿರ್‌ಶಿಶು ಕೊಯ್ನಿ.

4 ಆ ಧರ್ತಿನ ಡೇರಾಮ ರ್ಹವಾಲಗು ಅಪ್ಪುನ ವಜ್ಞನ್ನೊ ಭೋಜೊ ಪಾಡಿಲೀನ್ ಧರ್‌ಪಡೇಸ್; ಆ ಶರೀರ್ ಉಫಾಡು ಹುಯಿರ್‌ಶಿವುಕರಿ ಕಾಹೆ; ಇನ ಬದಲ್ ಅಪ್ಪೆ ಪರ್‌ಲೋಕ್‌ನು ಘರ್‌ನ ಫೇರಿಲ್ಯಾವಾನ ಆಖ್‌ಕರಿಯೇಸ್. ಮರಿಜಾವಾನು ನೂಟ್ವಿಜಿನ್ ಹರ್‌ಹಮೇಶ ಜಿವ್ತು ರ್ಹವಾನಾಸ್ ಆಖ್‌ಕರಿಯೇಸ್.

5 ಅನಾಖ್ವಾಜಿಥೀಸ್ ದೇವ್ ಅಪ್ಪುನ ಬದಲಾವ್ ಹುವಾನಖ್ವಾಜಿ ತಯಾರ್ ಕರಿರಾಖ್ವೋಸ್ ಬಿಜು ಅನ ಸಾಬಿತ್ ಕರಾನ ಪವಿತ್ರಾತ್ಮನಾಸ್

ಅಪ್ಪುನ ದಿರಾಖ್ಯೊಸ್.

6 ಇನಾಖ್ವಾಜೆ ಹಮೆ ಕದೇಬಿ ಭಾಲಿಥಿ ಛಿಯೆ ಬಿಜು ಆ ಶರೀರಮ ಜಿವ್ಣಕರ್ತಾಲಗೂ ಪ್ರಭುಥಿ ದೂರ್ ಹುಯಿರಕ್ತಿಶು ಕರಿ ಭರೋಖ್ಯೊ ಲೀರಾಖವಾಳ ಹುಯಿರಕ್ತೊಸ್.

7 ಶನಕತೊ ಹಮೆ ಕಿನ ದೇಖು ಕರಿಯೇಸ್ಕಿ ಇನೇಥಿ ಜಿವ್ಕರಿಯೇಕೊಯ್ನಿ. ಕತೋಬಿ ಕೆವ್ವಾನ ವಿಶ್ವಾಸ್ ಕರಿರಾಖ್ಯಾಸ್ಕಿ ಇನೇಥಿ ಜಿವ್ಕರಿಯೇಸ್.

8 ಇನಾಖ್ವಾಜೆ ಹಮೆ ಭಾಲಿವಾಳ ಹುಯಿರಕ್ತಿನ್ ಶರೀರನ ಮ್ಹೇಲಿನ್ ಪ್ರಭುನಿ ಜೋಡ್ಡ್ ಭಾವಾನೂಸ್ ಅಲ್ಪುಕರಿ ಆಖ್ ಕರಿಯೇಸ್.

9 ದೇವ್ ಪಸಂದ್ ಕರಾವಾನೂಸ್ ಹಮೂನ ಛಾತೆ ಖ್ವಿಯಾಲ್, ಹಮೆ ಹಮಾರ ಶರೀರಮ ಹಜ್ಜಾ ಜಿವಿರಕ್ತವಾನಿ ವಖ್ವತ್‌ಬಿ ಪ್ರಭುನಿ ಜೋಡ್ಡ್ ಹಿಜ್ಜಾ ಜಿವಿರಕ್ತವಾನಿ ವಖ್ವತ್‌ಮಾಬಿ ದೇವ್ ಪಸಂದ್ ಕರಾವಾನೂಸ್ ಹಮಾರಿ ಹರಖ್ ಹುಯಿರಕ್ತೊಸ್.

10 ಅಪ್ಪೆಖ್ವಾರು ನ್ಯಾವ್‌ಖ್ವಾಜೆ ಕ್ರಿಸ್ತನ ನ್ಯಾವ್‌ಝಗೊನ ಖ್ವಾಮ್ಪೆ ಭಿರೇವ್ಣಸ್ ಭೀರೇವ್ಣಸ್ ಹರೇಕ್ ಭಣು ಆಲೋಕ್‌ನ ಶರೀರಮ ಜಿವಿರಕ್ತವಾನಿ ವಖ್ವತ್‌ಮ ಕರಿರಾಖ್ಯೊತೆ ಅಲ್ಪಾನಖ್ವಾಜೆ ರಕ್ತವೊ ಖರಾಬ್‌ನಖ್ವಾಜೆ ರಕ್ತವೊ ಹೋಣುತೆ ಪ್ರತಿಫಲೆ ಲಿಶೆ.

ಕ್ರಿಸ್ತಥಿ ದೇವ್‌ಭಣಿ ರಾಜಿ

11 ಪ್ರಭುನೊ ಡರ್‌ಕತೊ ಶಾತ್‌ಕರಿ ಹಮೂನ ಮಾಲುಮ್‌ಛಾ. ಇನಾಖ್ವಾಜೆ ಅದ್ಮಿವೋನ ಮಾಲುಮ್ ಕರಿಯೇಸ್. ಕತೋಬಿ ಅಪ್ಪೆ ದೇವ್ ಮಾಲುಮ್ ಹುಯಿರುಸ್. ಯೊ ತುಮಾರಿ ದಿಲ್‌ಸಾಕ್ಷಿನಾಬಿ ಮಾಲುಮ್ ಹುಯಿರಕ್ತೊಸ್ಕರಿ ಮೆ ವಿಶ್ವಾಸ್ ಕರಾವಾಳೊ ಹುಯಿರೊಸ್.

12 ಹಮಾರು ಹಮೇಸ್ ಪಾಳ್ತು, ಪಾಳ್ತು ತುಮಾರ ಖ್ವಾಮ್ಪೆ ಖ್ವರೈಲಿಯೇ ಕೊಯ್ನಿ; ದಿಲ್ ಮಹಿನು ಮಾಲುಮ್ ಕರ್ಯ್‌ಕೊಂತೆ ಇನ ಭಾರಲಿ ಶನ್‌ಗಾರ್ ದೇಖಿನ್ ಖುಷಿಕರವಾಳನಾಸ್ ಬರೋಬರನಿ ಫೇಡ್ ದೈವಾನ ತುಮೂನ ಉಷೆ.

13 ಶನಕತೊ ಹಮೆ ದಿವಾನ ಹುಯಿರ್ದುಲಶೇತೊ ಯೊ ದೇವ್ ಮಹಿಮೆನ ಖ್ವಾಜೆಸ್. ಹಮೂನ ಅಭ್ಲಿ ಬುದ್ಧಿ ಉಶೇತೊ ಯೊ ತುಮಾರ ಫಾಯಿದಾನ ಖ್ವಾಜೆಥೀಸ್.

14 ಕ್ರಿಸ್ತನಿ ಪ್ಯಾರ್ ಅಪ್ಪುನ ಖ್ವಾಜ್ ಕರಾವಸ್, ಶನಕತೊ ಅಖ್ವಾ ಅದ್ವಿನಖ್ವಾಜೆ ಏಕ್ ಅದ್ವಿ ಮರ್ದುಕರಿ ಹಮೂನ ಮಾಲುಮ್‌ಲ್ಲಾ. ಇನಾಖ್ವಾಜೆ ಅಪ್ಲೆ ಅಖ್ವಾಜ್‌ಣು ಮರಿಗಯಹುಯಾಮ ಭಾಗ್ ಹುಯಿರ್ದುಸ್.

15 ಜಿವಾವಾಳು ಅನಾಪರ್ ಇವ್ವಖ್ವಾಜೆ ನಾ ಜಿವ್ವಕರಿ ಕ್ರಿಸ್ತನೆ ಅಖ್ವಾಸ್ ಅದ್ವಿನಖ್ವಾಜೆ ಮರ್ದುಕ್ಯೊ ಯೋ ಅದ್ವಿಖ್ವಾರು ಇನಖ್ವಾಜೆ ಜಿವ್ವಕರಿ ಯೋ ಇವ್ವಖ್ವಾಜೆ ಮರ್ದುಕ್ಯೊ ಬಿಜು ಮರ್ದುಕ್ಯಾಹುಯಾಮಾಡು ಜಿವಿನ್ ಉರಿ ಆಯೋ.

16 ಅಮ್‌ರ್ದುವಾಪರ್ ಲೋಕ್ ಅದ್ವಿನಿ ಬಾರೇಮ ಸೋಚಾನಿತರ ಹಮ್ಮೆಡು ಹಮೆ ಕಿನಿ ಬಾರೇಮಾಬಿ ಸೋಚಿಯೆಕೊಯ್ನಿ. ಲೋಕ್ ಸೋಚಾನಿತರ ಅಗ್ಲ ಹಗಾಮ್ ಹಮೆ ಕ್ರಿಸ್ತನಿ ಬಾರೇಮ ಸೋಚಿಲಿದಾಡ. ಕತೋಬಿ ಹಮ್ಮೆಡು ಕಿನಾಬಿ ಯೋ ಪರಕ್ ಸೋಚಿಯೆಕೊಯ್ನಿ.

17 ಇನಖ್ವಾಜೆ ಕೋಣ್‌ತೋಬಿ ಕ್ರಿಸ್ತಮ ರ್ದುಯುತೊ, ಯೊ ನವೇಥಿ ಉಬ್ಜಿರ್ದೊಸ್. ಹಂದೇಖೊ, ಜೂನು ಫಾಲ್ಕುತೆ ಅಖ್ವಾಸ್ ನೂಟ್ಲೆಗಯ್; ನವೇಥಿ ಜಲಮ್‌ಲಿದು.

18 ಆ ಅಖ್ವಾ ದೇವ್‌ಥೀಸ್ ಹುಯೂತೆ. ದೇವ್ ಕ್ರಿಸ್ತಥೀಸ್ ಅಪ್ಪುನ ಹೇಳ್‌ಮೇಳ್ ಕರೈಲೀನ್, ಎಕ್ಚುಕರಾನಿ ಸೇವೆನ ಅಪ್ಪುನ ದೀರಾಖ್ಯೊಸ್.

19 ಕಿಮ್‌ಕತೊ ದೇವ್ ಕ್ರಿಸ್ತಮ ಹಿಡಿ ಜಗತ್‌ನಾಸ್ ಇನಿಜೋಡ್ ಒಪ್ಪಂದ ಕರಿಲೆತೋಥೊ. ದೇವ್ ಕ್ರಿಸ್ತಮ ಅದ್ವಿನ ಅಪರಾದನ್ ಗಣ್ತಿಕರಾಕೊಯ್ನಿ. ಆ ಒಪ್ಪಂದಾನಿ ಸಂದೇಶ್ ಅದ್ವಿನ ಖ್ವಮ್‌ಜಾಡಾನು ಜಿಮ್ಮೆದಾರಿನ ದೇವ್ ಹಮೂನ ದೀರಾಖ್ಯೊಸ್.

20 ದೇವಸ್ ಹಮಾರೇಥಿ ತುಮೂನಾಬಿ ಗಿಂಗೈಲ್ಯವಾನಿಮತ್ ಹಮೆ

ಹಮ್ಮೆ ಕ್ರಿಸ್ತ ಭಣೀಡು ವಾತೆ ಬೋಲವಾಳ ಹುಯಿರ್ದಾಸ್ ದೇವ್ವಿಜೋಡೆ ಹಮ್ಮೆ ರ್ವೈವ್ಣಕರಿ ಕ್ರಿಸ್ತನ ಬದಲ್ ಹಮ್ಮೆ ತುಮೂನ ಗಿಂಗೈಲಿಯೇಸ್.

21 ಕ್ರಿಸ್ತಮ ಪಾಪಸ್ ಕೋಡೂನಿ. ಕತೋಬಿ ಹಮ್ಮೆ ದೇವ್ವ ಸಮರ್ಪಣೆನಿ ಪರಕ್ಕ ನೀತಿಸ್ವರೂಪಿ ಹುಯಿರ್ದಾವನಿತರ ದೇವ್ ಇನ ಪಾಪ ಸ್ವರೂಪಿಕರಿ ಬಣಾಯೊ.

6

1 ಹಮ್ಮೆ ದೇವ್ವಿ ಜೋಡ್ಡ ಕಾಮ್ ಕರಾವಾಳ ಹುಯಿರ್ದಾಸ್. ಇನಾಖ್ವಾಜೆ ತುಮೂನ ಶಾತ್ ಬೋಲಿಲಿಯೇಸ್ ಕತೊ, ತುಮ್ಮೆ ದೇವ್‌ಧಿ ಲೀರಾಖ್ಯಾತೆ ವಾರ್‌ಖ್ವಾನ ಗುಮ್ಮೆನಕೊಲಿಶು ಕರಿ ಗಿಂಗೈಲಿಯೇಸ್

2 ಪ್ರಸನ್ನತೆನ ಹಗಾಮ್ಮ ಮೇ ತುನ ಕಾನ್‌ದಿದೊ, ರಕ್ಷಣೆನ ದನ್ತ ಮೆ ತುನ ಮದತ್ ಕರೈಕ್ಕಿ ಕರಿ ಬೋಲೊಹುಯಿನ್ ಹಂದೇಕ್ ಹಮ್ಮೇಸ್ ಯೋ ಸ್ವೀಕಾರ್‌ನ್ನಿ ದನ್, ಹಂದೇಕ್ ಯೋ ರಕ್ಷಣೆನಿ ವೇಳ್.

3 ಹಮಾರಿ ಚಾಕ್ರಿ ಕಿನ ಖ್ವಾಮ್ಣೇಬಿ ಚಿಂಫಾವ್ಣಿಮ ನಾಪಡ್ವತೆ, ಹಮ್ಮೆ ಕಿನಾಬಿ ಖ್ವತಾಯಕೊಯ್ನಿ

4 ಕತೋಬಿ ಹರೇಕ್ ಚಾಲ್‌ಮಾಬಿ ಹಮ್ಮೆ ದೇವ್ವ ಸೇವೆಕರಾವಾಳ ಕರಿ ವತಾಳಿಲಿಯೇಸ್, ಹಮ್ಮೆ ಖ್ವತಾಪ್ಪಿಮಾಬಿ, ಶಾತ್‌ಕೊಂತೆ ತದೆಬಿ, ಝಂಝುಟ್‌ಮಾಬಿ, ಮಾರೊಮಾರ್‌ಮಾಬಿ,

5 ಜೇಲ್‌ಮಾಬಿ, ಲಡೈಮಾಬಿ, ಖ್ವತಾಪ್ಪಿನ ರಬೇಡ್‌ಮಾಬಿ, ನಿಂದರ್ ಖರಾಬ್ ಹುಯ್ಕಿತೋಬಿ, ಪಟ್ಟಿರ್ದೆಯೊತೋಬಿ, ಘಣಿ ಸಮಾಧಾನ್ನ್ ವತಾಳಿಲಿದ.

6 ಹಮ್ಮೆ ದೇವ್ವ ಸೇವೆ ಕರಾವಾಳಕರಿ ಹಮಾರಿ ಶುದ್ಧಮನ್‌ಧೀಬಿ, ಗ್ಯಾನ್‌ಧಿಬಿ, ಖ್ವಮಾಳಿನ್‌ಚಾಲಧೀಬಿ, ಗೋರ್‌ಧೀಬಿ, ಬಿಜು ಪರಿಶುದ್ ಜೀವಿತಧಿಬಿ ವತಾಳಿಲಿದ. ಹಮ್ಮೆ ಅನ ಪವಿತ್ರಾತ್ಮಧಿಬಿ, ಖ್ವಾಚಿ ಪ್ಯಾರ್‌ಧೀಬಿ,

7 ಖ್ವಾಚಿ ವಚನ್, ದೇವ್‌ಧಿ ನಿಕ್ಕಾತೆ ಶಕತ್ ಆ ಅಖ್ವಾನ ಲೀಲಿನ್, ಖಾವಿಡಾವಿ ಬಾಜುಮ ನೀತಿಕರಿ ಕಫ್ಫನ್ನ ಲೀರಾಖ್ಯಸ್.

8 ಥೋಡು ಜಞು ಹಮೂನ ಸನ್ಮಾನ್‌ಕರಸ್, ಬಿಜು ಥೋಡು ಜಞು ಹಮೂನ ಖ್ವರಮ್‌ಕಾಡಸ್, ಥೋಡುಜಞು ಖ್ವರಾವ್ವಿಕಾಡಸ್ ಬಿಜುಥೋಡು ಜಞು ಹಮಾರಿ ಬಾರೇಮ ಖರಾಬ್ ವಾತೆ ಬೋಲಾಸ್, ಥೋಡುಜಞು ಹಮೂನ ಝೂಟ ಕರಿ ಬೋಲಾಸ್, ಕತೋಬಿ ಹಮೆ ಖ್ವಾಚಿಸ್ ಬೋಲಿಯೇಸ್.

9 ಮಾಲುಮ್ ರ್ವಾವಾಳು ಮರವಾಳುಹುಯಿನ್ ದೇಖಾಯುತೋಬಿ ಹಂದೇಖೊ ಹಮೆ ಬಚಿರ್ಪ್ಪಿಶು. ಮಾರ್‌ಪೀಟ್ ಪಡ್ಯತೋಬಿ ಮರಿಭಾಶುಕೊಂತೆ ರ್ಪಿಶು.

10 ದುಖ್‌ಲ್ಯವಾಳ ರ್ಪಿಯಾತೋಬಿ ಸೇವೆಮ ಕದೇಬಿ ಹಾಶಿಖ್ವಾಶಾಲಿಧಿ ರ್ವಾವಾಳ ಹುಯಿರ್ಪ್ಪಾಸ್, ಗರೀಬ್‌ರ್ಪಿಯತೋಬಿ ಕೈಫಕ್ ಜಞನ ವಿಶ್ವಾಸ್‌ಮ ಧನ್‌ದೌಲತ್‌ವಾಳ ಕರೀನ್ ಬಣೈರಾಖ್ಯಾಸ್; ಶಾತ್‌ಬಿಕೊಂತೆ ರ್ಪಿಯತೋಬಿ ಅಖ್ವಾನ ಲೀರಾಖವಾಳ ಹುಯಿರ್ಪ್ಪಾಸ್.

11 ಕೊರಿಂಥವಾಳಾವೊ, ತುಮಾರಿಜೋಡ್ಡ ಝುಟ ಮನ್‌ಥೀಬಿ ಝುಟ ದಿಲ್‌ಥೀಬಿ ವಾತೆ ಬೋಲಿರಾಖ್ಯಾಸ್.

12 ತುಮಾರಪರ್ ಹಮೂನ ಛಾತೆಪ್ಯಾರ್ ಭೀರಿಗೈಕೊಯ್ನಿ. ಕತೋಬಿ ಹಮಾರಪರ್ ತುಮೂನಲ್ಲಾತೆ ಪ್ಯಾರ್ ಭೀರಿಗೈ.

13 ತುಮೆ ಮಾರ ಲಡ್ಕಾನಿ ಪರಕ್ಯ ಮೇ ತುಮಾರಿ ಜೋಡ್ಡ ವಾತೆ ಬೋಲುಕರುಸ್. ಹಮಾರಿನಿತರಸ್ ತುಮೇಬಿ ಹಮೂನ ಪೂರ ದಿಲ್‌ಥಿ ಪ್ಯಾರ್‌ಕರೊ.

ಬಿಜಾನಿ ಫೊಖ್‌ಲ್ವಾವ್ವಿನಿ ಬಾರೇಮ ಹೊಷಾರಿ

14 ಕ್ರಿಸ್ತನಿ ವಿಶ್ವಾಸ್‌ಕೊಂತೆ ಅದ್ಮಿಮಾಬಿ ತುಮಾರಮಾಬಿ ಪರಕ್‌ಲ್ಲಾ. ಇನಖ್ವಾಜೆ ತುಮೆ ಇವ್ವಿ ಜೋಡ್ಡ ಭಾಗಿ ನಕೊಹುವೊ. ಅಲ್ಲು ಬಿಜು ಖರಾಬ್ ಎಕ್ವಹುವಾನ ಉಶೇಕಿ ಶು? ಉಜಾಳು ಅಂಧಾರನಿ ಜೋಡ್ಡ ಲಾಡ್‌ಧಿರ್ಪ್ಪಾವಾನ ಉಶೇಕಿ ಶು?

15 ಕ್ರಿಸ್ತಬಿ, ಶೈತಾನ್‌ಬಿ ಲಾಡ್‌ಧಿರ್ಪ್ಪಾವಾನ ಉಶೇಕಿ ಶು? ವಿಶ್ವಾಸಿಮಾಬಿ ಅವಿಶ್ವಾಸಿಮಾಬಿ ಭಾಗ್ ಶನುಲ್ಲಾ?

16 ದೇವ್ವ ಮಂದಿರ್‌ನಾಬಿ ಮೂರತ್‌ನಾಬಿ ಏಕ್‌ಕರಾನ ಉಶೇಕಿ ಶು? ಅಪ್ಪೆ ದೇವಸ್ ಬೋಲಿರಾಖ್ಯತೆ ತಿಮ್ ಜಿವ್ವಜಾನೊ ಮಂದಿರ್ ಹುಯಿರಾಸ್ಸಿ. ಮಾರ ಅದ್ವಿವೋಮ ಮೇಸ್ ಘರ್ ಕರೀಶ್, ಇವ್ಣಾಮ ಮೇಸ್ ಜಿವ್ವು ಕರ್ತೊಹುಯಿನ್ ಇವ್ಣಿಜೋಡೆ ಫರ್ತೊರ್ಟಿಶ್, ಮೇಸ್ ಇವ್ಣೊ ದೇವ್ ಹುಯಿರ್ಟಿಶ್. ಇವ್ಣೆ ಮನ ಪ್ರಜೆಹುಯಿರ್ಟಿಶೆ ಕರಿ ಬೋಲ್ಯೊ.

17 “ಇನಾಖ್ವಾಜೆ ಅಲ್ವಾವ್ ಅದ್ವಿವೋನಿ ಬೀಚ್ತಾಡ್ ತುಮೆ ಭಾರ್ ಆಯಿನ್ ತನಿಯ ಜಿವ್ವುಕರೊ, ಕಚಿಂಡ್ ರ್ಟಿಯಿತೆ ಇನ ಛೇಮ್‌ಶುನಕೊ ಕರಿ ಪ್ರಭು ಬೋಲಸ್, ತದೆ ತುಮೂನ ಮಳ್ಳೆಲಿಶ್.

18 ಮೇ ತುಮಾರೊ ಬಾ ಹುಯಿರೊಸ್; ಅಜ್ಜು ತುಮೆ ಮಾರ ಛಿಯ್ಯಾ ಛೋರಿಯೇ ಹುಯಿರಾಸ್ ಕರಿ ಬೋಲಸ್ ಸರ್ವಶಕ್ತ್‌ವಾಳೊ ಹುಯಿರೋತೆ ಪ್ರಭು.”

7

1 ಪ್ಯಾರ್‌ನ ದೋಸ್ತಿವೊ ಅಪ್ಪೆ ದೇವ್‌ಥಿ ವಾಗ್ದಾನ್ ಲೀರಾಖ್ಯತೆ ಇನಾಖ್ವಾಜೆ ಶರೀರ್ ಆತ್ಮಮಾಥು ಗಲೀಜ್‌ನ ಕಾಡಿನಾಖಿನ್ ಅಪ್ಪುನ ಶುದ್ಧ ಕರಿಲಿನ್ ಬಿಜ್ಜು ದೇವ್‌ಮಾ ಡರ್‌ಥಿ ರ್ಟೀನ್ ಪರಿಶುದ್ಧ ಜಿವ್ವು ಚಲಾವಾನ ಕೋಶಿಶ್ ಕರೀಯೆ.

ಪಾಲನಿ ಖ್ವಶಿ

2 ತುಮಾರ ದಿಲ್ಮ ಹಮೂನ ಝಗೊದೆವೋ; ಹಮೆ ತುಮಾರಮ ಕಿನಾಬಿ ಅನ್ಯಾಯ್ ಕರ್ಯ್ಕೊಯ್ಚಿ, ಕಿನಾಬಿ ಕೇಡ್ ಕರ್ಯ್ಕೊಯ್ಚಿ, ಕಿನಾಬಿ ಠಗಾಯ್ಕೊಯ್ಚಿ.

3 ತುಮಾರಪರ್ ಗಲ್ತಿನಾಕ್‌ನು ಕರಿ ಮೇ ಅನ ಬೋಲುಕರು ಕೊಯ್ಚಿ ಶನಕತೊ ತುಮಾರಿ ಜೋಡ್ಡ ಮರಾನಬಿ ಜಿವಾನಬಿ ತುಮೆ ಮಾರ ದಿಲ್ಮಾ ಕರಿ ಮೇ ಪಹಿಲೇಸ್ ಬೋಲ್ಯೊಥೋನಿ.

4 ತುಮಾರಿ ಜೋಡ್ಡ ವಾತ್‌ಬೋಲನ ಘಣು ಧಿಲ್‌ಪತ್‌ಬಿ ತುಮಾರಿ ಬಾರೇಮ ಮನ ಘಣು ಭರೋಖೊ ಛಾ; ಮೇ ಧಿಲ್‌ಪತ್‌ಧಿ ಭರೈನ್ ಅಪ್ಪುನ ಉಶೇತೆ ಖ್ವಾರೀಸ್ ಖ್ವತಾಪ್ಲಿಮ ಘಣೇಧಿ ಘಣು ಖ್ವಶಿಮ ಛಾ.

5 ಹಮೆ ಮೆಕೆದೋನ್ಯನ ಆಯಾತೆ ತದೇಬಿ ಅಪ್ಪ ಶರೀರ್‌ನ ಅರಾಮಸ್ ಕೋಥಾನಿ. ಕತೋಬಿ ಖ್ವಾರೀಸ್ ಬಾಝುಮ ಹಮೂನ ಖ್ವತಾಪ್ಲಿಧು. ಭಾರ್‌ಲಡೈ ಮಹಿಡರ್ ಥು;

6 ಕತೋಬಿ ಕಮ್‌ಜೋರಿ ರ್ಠಾವಾಳನ ಸಮಾಧಾನ್ ದೈವಾಳೂ ದೇವ್ ತೀತನ ಆವಾಖ್ತುರ್ ಕರೀನ್ ಹಮೂನ ಸಮಾಧಾನ್ ಕರೈಯ್.

7 ಇನ ಬುಲಾವ್‌ಣೆಧಿ ಖಲಿಕಾಹೆತೆ, ತುಮಾರೇಧಿ ಯೋ ಜಾಖ್ವತ್ ಸಮಾಧಾನ್ ಹುಯೋಕರೀಬಿ, ತುಮಾರಿ ಮಹಾನ್ ಪ್ಯಾರ್, ತುಮಾರಿ ದುಖ್, ಮಾರಪರ್ ಛಾತೆ ತುಮಾರಿ ಆಖ್ ಆ ಅಖ್ವು ಹಮುನ ಬೋಲಾಖ್ವತ್ ಮೇ ಬಿಝುಬಿ ಜಾಖ್ವತ್ ಖ್ವಶಿಕರೈಯ್.

8 ಮೇ ಲೀಖ್ತೊತೆ ಚಿಟ್ಟಿ ತುಮುನ ದುಖ್‌ಕಾರಯು ಉಶೇತೋಬಿ ಮನ ವೇಚ್‌ಣೆ ಕೊಯ್ನಿ ಯೋ ಚಿಟ್ಟಿ ತುಮುನ ಏಕ್ ಘಡಿ ದುಖ್ ಕರಾಯು ಕರಿ ಉಶೇತೋಬಿ ಮೇ ಪಹಿಲೆ ಪಶ್‌ತಾಯೊತೋಬಿ, ಹಮೈ ಮೇ ಖುಷಿಕರುಸ್.

9 ತುಮುನ ದುಖ್ ಕರಾಯೊತೆ ಇನಾಖ್ವಾಜೆ, ಮೇ ಖುಷಿ ಕರೈಯೊಯ್ನಿ, ತುಮೆ ದುಖ್ ಕರೀನ್ ದಿಲ್ವ ಫರಿಝವಾನ ಕರಿರಾಖ್ತೆ ಇನಾಖ್ವಾಜೆ ಖ್ವಶಿಕರೂಸ್. ದೇವ್ನಿ 'ಖ್ವಜ್ಞಾನಿ' ಘೋಣಿ ತುಮೆ ದುಖಿಹುಯ ಇನಾಖ್ವಾಜೆ ಹಮಾರೇಧಿ ತುಮುನ ಕೆವ್ವಿ ಪರಕ್‌ಮಾಬಿ ನಷ್ಟ್ ಹುಯುಕೋಯ್ನಿ.

10 ದೇವ್ನಿ ಖ್ವಜ್ಞಾನಿತರ ಹುಯಿರುತೆ ದುಖ್ ದಿಲ್‌ನಾಬಿ, ಜೀವಿತ್‌ನಾಬಿ ಬದ್ಲಾವಸ್ ಆ ಬದ್‌ಲಾಪ್ಲಿ ರಕ್ಷಣೆ ಭಣಿ ಚಲಾವಸ್. ಆ ಮನ್ ಫರಿಝವಾನಿ ಬಾರೇಮ ಅಪ್ಪೆ ಡರ್ಟ್ವಾನು ಶಾಪ್ತಿ ಕೊಯ್ನಿ. ಕತೋಬಿ ಲೋಕ್‌ಧಿ ಆವಾತೆ ದುಖ್ ಮರಣ್ಣ ಬುಲಾವಸ್.

11 ತುಮೆ ದೇವ್ನಿ ಮನ್ನಿ ಅನುಸಾರ್ ಲಿದಾತೆ ದುಖ್ ತುಮಾರಮ ಕೆತ್ರುಕ್ತಿ ಹುಮ್ಮಖ್ವ್ನು ಹುಯಿರುಸ್. ಯೋ ದುಖ್ ತುಮಾರಮ ಘಣು

ಮನ್‌ಲಗಾಡವಾಳ ಹುಯಿರ್ದವಾನಿತರ ಕರಿರಾಖ್ಯುಸ್; ತುಮೆ ಗ್ರಿಸ್ತಿಧಿ ಚಾಲಾನ ಕೆತ್ರೇಕ್ಕಿ ಕೋಶಿಶ್‌ಕರ್ಯ್, ಕೆತ್ರೇಕ್ಕಿ ಖ್ತಾಪ್ಪಿ ಪಡ್ಯ, ಕೆಥ್ತಾನುಕಿ ಡರ್‌ವತಾಳ್ಳ, ಮಾರಿ ಬಾರೇಮ ವೇಚ್‌ಣೆ ಕರಾಖ್ತು ಕರ್ಯ್; ಅಪರಾದಿಖ್ತಾರನ ಖ್ತಾಪ್ಪುಕರಿ ಆಖ್ತ್ ಆವಾಖ್ತು ಕರ್ಯ್. ಯೊ ತಕ್ಲಿಬ್‌ನಿ ಕೆವ್ವಿ ಬಾರೆಮಾಬಿ ತುಮೆ ಅಪರಾದಿ ಕೋ ಹುಯಿರ್ದಾಥಾನಿ ಕರಿ ವತಾಳಿಲಿದ.

12 ಮೇ ಯೋ ಚಿಟ್ಟಿ ಲೀಖ್ತೊತೆ ಗಲತ್ ಕರಿರಾಖವಾಳನಖ್ತಾಜೆ ಕಾಹೆ, ಆ ಗಲತ್‌ಧಿ ದುಖ್‌ಮ ಪಡವಾಳನ ಖ್ತಾಜೇಬಿ ಕಾಹೆ. ಕತೋಬಿ ಹಮಾರಿ ಬಾರೇಮ ತುಮುನ ಛಾತೆ ಮೋಟಿ ವೇಚ್‌ಣೆನ ತುಮೆ ದೇವ್ನ ಖ್ತಾಮ್‌ಣೆದೇಖಾನಿತರ ಹೋಣುಕರಿ ಯೋ ಚಿಟ್ಟಿನ ಲೀಖ್ತೊತೆ.

13 ಇನಖ್ತಾಜೇಸ್ ಹಮೂನ ಭಾಲಿಮಳೀತೆ, ತುಮೆಅಖ್ಪು ತೀತನ ಮನ್ನ ಭಾಖ್ತು ಶಂತೋಖ್ತ್ ಕರ್ಯ್‌ತೆದೇಖಿನ್ ಹಮೂನ ಬಿಚ್ಚೂಬಿ ಮ್ಹಿಶಿಹುಯು,

14 ತೀತನ ಖ್ತಾಮ್‌ಣೆ ಮೇ ತುಮುನ ಖ್ತಾರಾಯೊ. ಯೋ ಖ್ತಾಚಕರಿ ತುಮೆ ವತಾಳ್ಳ, ಹಮೆ ತುಮುನ ಬೋಲ್ಯಾತೆ ಹರೇಕ್ ಖ್ತಾಚ ಹುಯಿರ್ದಾಥು. ಹಮೆ ತೀತನ ಖ್ತಾಮ್‌ಣೆ ತುಮಾರಿ ಬಾರೇಮ ಬೋಲ್ಯಾತೆ ಖ್ತಾರಾಪ್ಪಿನಿವಾತೆ ಖ್ತಾರಿ ಖ್ತಾಚ ಕರಿ ದೆಖಾಯು.

15 ತುಮೆ ದಿಲ್ಮ ಡರಿನ್ ಕಾಪವಾಳ ಹುಯಿನ್ ಇನಿ ಜೋಡ್ಡ ಮಳಿಗಾತೆ ಇನಾಮ ತುಮಾರಿ ವಿಧೇಯತೆ ದೆಖಾಯು, ಯೊ ಇನ ಖ್ತಿಯಾಲ್ ಕರಿಲ್ಯಾವಾನಿ ವಖ್‌ತೆ ತುಮಾರಪರ್ ತೀತನಿ ಪ್ಯಾರ್ ಭಾಖ್ತು ಹುಯಿರ್ದೇಸ್.

16 ಖ್ತಾರೀಸ್ ವಾತ್ಸಿ ಬಾರೇಮ ತುಮಾರಾಪರ್ ಮನ ಭರೋಖ್ತೊ ಛಾತೆ ಇನಾಖ್ತಾಜೆ ಮ್ಹಿಶಿಕರೂಸ್.

8

ಛುಟ ದಿಲ್‌ಧಿ ದೆವೊ

1 ಬೈಯೇ ಭೇನೆವೊ ಮೆಕೆದೋನಿಯನಿ ಅಖ್ವಿ ಸಬೆಮ ದೇವ್ನ ವತಾಳೊತೆ ವಾರ್‌ಖ್ತಾನಿ ಬಾರೇಮ ತುಮುನ ಖ್ತಾಮ್‌ಚಾಡುಸ್.

2 ಯೋ ಸಬೆವಾಳು ಜಾಖ್ತ್ ಲತಾಡ ಖ್ವಮಾಳವಾಳು ರ್ವಯುತೋಬಿ ಬಿಜು ಘಣು ಗರೀಬ್ ರ್ವಯುತೋಬಿ ಘಣು ಖ್ವಶಿಧಿ ಭರೈರ್ದೀನ್ ಛುಟಾದಿಲ್‌ಧಿ ದಿದು.

3 ಇವ್ಣೆ ಇವ್ಣ ತಾಖತ್‌ಯೆತ್ರಿ ಖಲಿ ದಿದುಕೊಂತೆ, ಇವ್ಣಿ ಇವ್ಣಿ ಶಕತ್ ಮೀರಿನ್ ದೀರಾಖ್ವುಸ್. ಇವ್ಣು ಇವ್ಣೇಸ್ ದಿದು, ದೇವ್ಣುಕರಿ ಇವ್ಣುನ ಕಿನೇಬಿ ಬೋಲ್ವುಕೊಯ್ನಿ.

4 ಯೆಹೂದಿ ಹುಯಿರ್ವ್ಣಿ ದೇವ್ಣು ಅದ್ಮಿಖ್ವಾರನ ಅಲ್ಫು ಕಾಮ್ ಕರಾನಿ ಬಾರೇಮ ಹಮೂನ ಭಾಗಿಹುವಾನ ಏಕ್ ಮೋಕ ಹೋಣು ಕರಿ ಗಿಂಗೈಲಿದು.

5 ಹಮೆ ಸೋಚಾತೆ ಪರಕ್ಮ ದಿದೊಕೊಂತೆ. ಪಹಿಲೆ ಇನುಯೋಸ್ ಪ್ರಭುನಾಬಿ ಅಪ್ಪುನಾಬಿ ದಿನಾಖಿದಿದು. ದೇವ್ ಆಖ್ವ್ ಕರಸ್ತೆ ಅನಾಸ್.

6 ಇನಾಖ್ವಾಜೆ, ವಿಶೇಷ್‌ನು ಆ ದಯಾನಕಾಮ್‌ನ ಪೂರ ಕರಾನ ತುಮುನ ಮದತ್ ಕರನ್ ಕರಿ ಹಮೆ ತೀತನ ಬೋಲಿಲಿದ. ಆ ಕಾಮ್ನ ಶುರು ಕರನ್ವೊತೆ ತೀತನೇಸ್.

7 ತುಮೆ ಹರೇಕ್‌ಮಾಬಿ ಕತೊ, ವಿಶ್ವಾಸ್ತ ವಾತ್ ಬೋಲಾಮ, ಗ್ಯಾನ್‌ಮ, ಮದತ್‌ಕರನ್ ಕರಿ ದಿಲ್‌ಲಗಾಡಮ, ಬಿಜು ಹಮಾರಿ ಹುಮ್ಮಿಖ್ವೊಧಿ ತುಮಾರಮ ಆಯಿತೆ ಪ್ಯಾರ್‌ಮ ಶೌಕಾರ್ ಹುಯಿರ್ವ್ಣಾಸ್, ಇನಾಖ್ವಾಜೆ ಆ ಕೃಪೆಮಾಬಿ ತುಮೆ ಶೌಕಾರ್ ಹುಯಿರ್ವ್ಣಿವ್ಣು ಕರಿ ಹಮೆ ಆಖ್ವ್ ಕರಿಯೇಸ್.

8 ತುಮೆ ದೇವ್ಣುಕರಿ ಮೇ ಹುಕುಮ್ ಕರೂಕರು ಕೊಯ್ನಿ ಕತೋಬಿ ತುಮಾರಿ ಪ್ಯಾರ್ ಕೆತ್ರಿ ಖ್ವಾಚ್‌ಪ್ಯಾರ್‌ಕರಿ ದಿಲ್‌ಛೋಡಿನ್ ತರೀಪ್‌ಶ ಕರಿಲೇವ್ಣುಕರಿ ಬೋಲುಸ್.

9 ಅಪ್ಪೊ ಪ್ರಭು ಹುಯಿರ್ವ್ಣಿಂತೆ ಯೇಸು ಕ್ರಿಸ್ತನಿ ವಾರ್‌ಖ್ವಾನ ತುಮೆ ಮಾಲುಮ್ ಕರಿರಾಖ್ವುಸ್. ಕಿಮ್‌ಕತೊ ಯೋ ಧನ್ ದೌಲತ್‌ವಾಳೊ ರ್ವಯೊತೋಬಿ ಯೋ ಗರೀಬ್ ಹುವಾಥೀಸ್ ತುಮೆ ಧನ್ ದೌಲತ್‌ವಾಳ ಬಣನಿತರ ಯೋ ತುಮಾರಾಖ್ವಾಜೆ ಗರೀಬ್‌ಹುಯೊ.

10 ಆ ಕಾಮ್ನಿ ಬಾರೇಮ ಮಾರಿ ಖ್ವೊಜ್‌ನ ತುಮುನ ಖ್ವಮ್‌ಜಾಡುಸ್,

ಆ ಕಾಮ್ನ ಏಕ್ ವರಖ್ವನ ಪಾಲ್ತಳ್ ಚಲಾವನಖ್ವಜೆ ಶುರು ಕರಾಧಿಸ್ ಇನ ಚಲಾವ್ಣುಕರಿ ಕರಮಾಬಿ ತುಮೆ ಖ್ವಾಮೆ ಹುಯಿರ್ದಾತೆ ಇನಖ್ವಜೆ ಯೋ ತುಮುನ ಅಲ್ಫುಹುಯಿರ್ದಾಸ್.

11 ಇನಾಖ್ವಜೆ ತುಮೆ ಶುರುಕರ್ದಾತೆ ಕಾಮ್ನ ಹಮ್ಮೆ ಪೂರಕರೊ, ತದೆ ತುಮಾರು ಕಾಮ್ ಬಿಜು ತುಮಾರೊ ತಯಾರ್‌ನೊ ದಿಲ್ ಬರೋಬರ್ ಸಮಾನ್ ರ್ಹಿಶೆ. ತುಮಾರಿ ತುಮಾರಿ ಶಕತ್ತ್ ಘೋಣಿನಿತರ ಚಲಾವೊ.

12 ಏಕ್‌ಜಣೊ ದ್ಯವಾನೊ ದಿಲ್‌ರ್ದಿನ್ ಯೋ ಇನ ದಿಲ್ಲಿ ಅನುಸಾರ್ ದಿದೊತೊ ತುಮಾರು ದಾನ್ ಸ್ವೀಕಾರ್ ಹುಯಿರ್ದಿಶೆ; ಇನ ದೇವ್‌ಥಿ ಲ್ಹಾಯೇಕ್ ಮಳ್‌ಶೆ.

13 ಅಲಕ್ ಅದ್ಮಿ ಶಂತೋಖ್‌ಧಿ ರ್ಹಾವಾನಿ ವಖ್ವತ್‌ಮ ತುಮೆ ದುಖ್‌ಮ ರ್ಹವಾನು ಹಮೂನ ಇಷ್ಟಕೊಯ್ಚಿ ಹರೇಕ್‌ಮಾಬಿ ಬರೋಬರ್ ರ್ಹವಾನು ಹಮಾರಿ ಆಖ್ವ್ ಇವ್ಣೆ ಸಬೇನು ಸೇವಕರ್‌ಬಿ ಅಜು ಕ್ರಿಸ್ತನು ಮಹಿಮೆಬಿ ಹುಯಿರ್ದಾಸ್.

14 ಹಮ್ಮೆ ತುಮಾರಕನ ಹೋಣುತೆ ಎತ್ತು ಛಾ ತುಮಾರಿ ಆ ಚೆಹೆಳ್ ಅಲಕ್ ಅದ್ಮಿನು ಕಮೀನ ಕಾಡಿನಾಕ್‌ಶೆ; ಅಮ್ ಅಖ್ವುಸ್‌ಫಣು ಸಮಾನ್ ರ್ಹಿಶೆ.

15 ಘಣು ಭಮ ಕರ್ದಾಹುಯಾನ ಶಾತ್ಪಿ ಭಾಖ್ವತ್ ಕೊಹುಯುನಿ, ಥೋಡು ಜಮಾಕರ್ದಾ ಹುಯಾನ ಶಾತ್ಪಿ ಕಮ್‌ಕೋಹುಯುನಿ ಕರಿ ಧರ್ಮಶಾಸ್ತ್ರಮ ಲೀಖ್ಪಿರ್ದಾತೆ ಪರಕ್ ಹುಯಿರ್ದಿಶೆ.

ತೀತ ಬಿಜು ಇನ ಜೋಡ್‌ವಾಳು

16 ತುಮಾರಪರ್ ಹಮೂನ ಛಾತೆ ಅಲ್ಫಿಸೋಚ್‌ನ ತೀತನ ದಿಲ್‌ಮಾಬಿ ದೀರಾಖ್ಯೋತೆ ಇನಖ್ವಜೆ ದೇವ್ ಧನ್ಯವಾದ್ ಕರುಸ್.

17 ಹಮೆ ಬೋಲಿಲಿದಾತೆ ಕಾಮ್‌ಅಖ್ವು ಕರಾನ ತೀತ ಮಾನಿಲಿದೊ. ಆ ಇನಿ ಶೊಂತ್ ತೀರ್ಮಾನ್‌ಧಿಸ್ ತುಮಾರಕನ ಆವಾನುಕರಿ ಯೋ ಘಣು ಹುಮ್ಮಖ್‌ಧಿ ಥೊ.

18 ಅಖ್ವೀಸ್ ಸಬೆವಾಳು ಖ್ವರಾವಸ್ತೆ ಏಕ್ ಭೈನ ತೀತನಿ ಜೋಡ್ಡ್ ಹಮೆ ಮೋಕ್ಲ ಕರಿಯೇಸ್; ಆ ಭೈ ಸುವಾರ್ತೆನಿ ಬಾರೇಮ ಕೀರ್ತಿ ಲೀರಾಖೋಸ್.

19 ಆ ನಾಹುಯಿನ್ ಪ್ರಭುನಿ ಮಹಿಮೆನಖ್ವಾಜೆ ಅಜು ಅಪ್ಪ ಅಟ್ಟು ದಿಲ್ವ ವತಳಾನಖ್ವಾಜೆ ಮದತ್‌ನ ರಪ್ಯಾನ ಲೀಜಾವನಿ ವಖ್ವತ್‌ಮ ಹಮಾರಿ ಜೋಡ್ಡ್‌ರವಾನ ಆ ಭೈನ ಸಬೇಡು ಚೂಣಿರಾಖ್ಯಸ್. ದೇವ್ನಿ ಮಹಿಮೆನ ಖ್ವಾಜೇಬಿ ಬಿಜು ಮದತ್ ಕರಾನ ಖ್ವಾಚಾಮಸ್ ಆಖ್ವಕ್ರಿಯೇಸ್ ಕರಿ ವತಾಳಿಲ್ಯಾವನಬಿ ಆ ಸೇವೆನುಕಾಮ್ನ ಕರುಕರಿಯೇಸ್.

20 ಆ ಘಣು ಮದತ್‌ನ ರಪ್ಯಾನ ಹಮೆ ದೇವಿಲ್ಯಾವನಿ ಬಾರೇಮ ಕೋಣೆಬಿ ಹಮಾರಪರ್ ಗಲತ್ ನಾನಾಕ್ಚ ಕರಿ ಹೊಷಾರ್ಥಿ ಲಿಯೆ.

21 ಶನಕತೊ ಪ್ರಭುನಿ ನಜರ್ಮ್ ಖಲಿಖಾಯೆತೆ ಅದ್ವಿನ ಖ್ವಾರನಿ ನಜರ್‌ಮಾಬಿ ಮರ್ಯಾದೆ ರ್ವವಾನು ಖಿವು ಬರೋಬರ್ ಕರಿ ಸ್ವಿಕಾರ್‌ಕರಸ್ಕಿ ಅಜು ಅದ್ವಿನಿ ಬಾರೇಮಾಬಿ ದೇವ್ನಿ ಬಾರೇಮಾಬಿ ಕೆಹು ಬರೋಬರ್ ಕರಿ ಖ್ವಯಾಲ್ ಕರಸ್ಕಿ ಯೋಸ್ ಖ್ವಾರಾನ ಹಮೆ ಕೋಶಿಶ್ ಕರುಕರಿಯೇಸ್.

22 ಅನಾಹುಯಿನ್ ಮದತ್ ಕರಾನ ಕದೇಬಿ ತಯಾರ್ ಹುಯಿರ್ದವಾಳ ಅಪ್ಪ ಭೈನ ಇವ್ಣಿಜೋಡ್ಡ್ ಮೋಕ್ಲಕರಿಯೇಸ್, ಯೋ ಕೈಯೇಕ್ ತರಾಮ ಇನುಯೋಸ್ ವತಾಳಿರಾಖೋಸ್. ಹಮ್ನಿ ಇನ ತುಮಾರಪರ್ ಘಣು ಭರೋಖ್ವೊಲ್ಹಾತೆ ಇನಾಖ್ವಾಜೆ ಬಿಜುಬಿ ಮದತ್ ಕರಾನ ಆಖ್ವಕ್ರರಸ್.

23 ಮೇ ತೀತನಿಬಾರೇಮ ಬೋಲಾನು ಶಾತ್‌ಕತೊ, ಯೋ ಮಾರಿ ಜೋಡ್ಡ್‌ಕಾಮ್ ಕರಾವಾಳೊ ಹುಯಿರ್ದೋಸ್, ತುಮುನ ಮದತ್ ಕರಾನ ಯೋ ಮಾರಿ ಜೋಡ್ಡ್‌ಕಾಮ್ ಕರುಕರಸ್. ಅಲಕ್ ಭೈಯೇವ್ನಿ ಬಾರೇಮ ಮೇ ಶಾತ್‌ಬೋಲುಸ್‌ಕತೊ, ಇವ್ಣೆ ಸಬೆಮಾಡು ಮೋಕ್ಲಾಯಹುಯ ಹುಯಿರ್ದೋಸ್. ಬಿಜು ಕ್ರಿಸ್ತನ ಮಹಿಮೆ ಕರಾವಾಳ ಹುಯಿರ್ದೋಸ್.

24 ಇನಖ್ವಾಜೆ ತುಮಾರಾಮ ಖ್ವಾಚಮಾಸ್ ಪ್ಯಾರ್‌ಲ್ಹಾ ಕರಿ

ಆ ಅದ್ವಿಖ್ವಾರಾನ ವತಾಳೊ. ಹಮೆ ತುಮಾರಿ ಬಾರೇಮ ಶನ ಖ್ವರೈಯೇಸಕರಿ ಬೋಲಾನು ಅವ್ವನ ವತಾಳಿದೆವೊ. ತದೆ ಖ್ವಾರಿ ಸಬೆವಾಳು ಇನ ದೆಖಾಖ್ವರ್ಕು ಉಶೆ.

9

ವಿಶ್ವಾಸಮ ಛಾತೆ ಕ್ರೈಸ್ತರನ ಮದತ್‌ಕರಾನು

1 ಯೂದಾಯಮ ಛಾತೆ ದೇವ್ವ ಅದ್ವಿಯೇವನು ಮದತ್ ಕರಾನಿ ಬಾರೇಮ ಮೇ ತುಮುನ ಚಿಟ್ಟಿಲೀಖಾನು ಭರೂರತ್ ಕೊಯ್ತಿ.

2 ಅಖಾಯಮ ಛಾತೆ ತುಮೆ ಗಯೋತೆ ಏಕ್ ವರಖ್ವಾಡು ಮೋಟಿ ದಿಲ್‌ಧಿ ದಾನ್ ಕರಾನ ತಯಾರ್ ಹುಯಿರ್ದಾಸ್ ಕರಿ ಬೋಲನಿ ವಾತ್ತ್ ಮೇ ಮೆಕೆದೋನ್ಯನ ಬೈಯೇ ಭೇನೆವೊನ ಖ್ವಾಪ್ಪೆ ಬೋಲಿನ್ ತುಮುನ ಖ್ವರೈರಾಖ್ಯೋಸ್. ಇವ್ವಮ ಕೆತ್ರೂಕಿಞಣು ಅನ ಖ್ವಮ್‌ಜಿನ್ ದಾನ್ ದ್ಯಾವಾನ ದಿಲ್‌ಕರ್ದು.

3 ಕತೋಬಿ ಹಮಾರಿ ಖ್ವರಾಪ್ಪಿ ಝೂಟಿ ನಾಹೊಣುಕರಿ ಆ ಬೈಯೆ ಭೇನೆವೊನ ತುಮಾರಕನ ಮೋಕ್ಕುಕರುಸ್. ತುಮೆ ಅನಾಖ್ವಾಜೆ ತಯಾರ್ ಹುಯಿರ್ದಾಸ್‌ಕರಿ ಮೇ ಖ್ವಮ್‌ಞೂಸ್.

4 ಶನಕತೊ ಮೆಕೆದೋನಿಯವಾಳು ಕೋಣ್‌ತೋಬಿ ಹಮಾರಿ ಬೋಡ್ಡ ಆಯುತೊ. ತುಮೆ ತಯಾರ್ ಹುಯಕೊಯ್ತಿಕರಿ ದೇಖಿನ್ ಹಮೆ ತುಮಾರಪರ್ ಅಮ್ಮು ಭರೋಖ್ವೊ ರಾಖ್ಯಾತೆ ಇನ ಹಮೆ ಖ್ವರೊಮಿಂದ್ಯ ಹುವಾನುಪಡ್ಯ; ತುಮೂನಾಬಿ ಖ್ವರಮ್ ಉಷೆಕರಿ ಮೆ ಅಮ್ ಬೋಲುಕರುಸ್.

5 ಇನಖ್ವಾಜೇಧಿ ಬೈಯೆ ಭೇನೆವೊಖ್ವಾರು ಪೈಲೇಸ್ ತುಮಾರಕನ ಆಯಿನ್ ತುಮೆ ಪಹಿಲೇಸ್ ವಾಗ್ದಾನ್ ಕರೈತೆ ಮದತ್‌ನ ರಪ್ಪ ಜಮಕರಾನ ತುಮೂನ ಮದತ್‌ಕರಾನಖ್ವಾಜೆ ಅವ್ವನ ಗಿಂಗೈಲ್ಯವಾನು ಅಲ್ಲುಕರಿ ಮನ ಮಾಲುಮ್‌ಹುಯು. ಅಮ್ ಆ ದಾನ್ ಝಲಮ್‌ಧಿ ಕಾಹೆ ಛುಟ ದಿಲ್‌ಧಿ ದೆವಾಯುಹುಯು ದಾನ್ ಹುಯಿರ್ದಾಸ್.

6 ಕಮ್ ಬಿತ್ನೆ ಕರಾವಾಳು ಕಮ್ಮಸ್ ವ್ಹಾಡ್‌ಶೆ. ಜ್ಞಾಖ್ತ್ ಬಿತ್ನೆಕರಾವಾಳು ಜ್ಞಾಖ್ತ್ ವ್ಹಾಡ್‌ಶೆ ಕರಿ ಬೋಲಾನಿ ವಾತೆ ಖ್ವಿಯಾಲ್ಮ ರಾಖೊ.

7 ಹರೇಕ್ ಜ್ಞೋಬಿ ಇವ್ಣ ದಿಲ್ಮ ನಿರ್ಧಾರ್‌ಕರಾತೆ ಪರಕ್ ದೈವಾದೆ. ಕೋಣೆಬಿ ದುಖ್‌ಥಿ ರ್ವೊವೊ, ಜ್ಞುಲಮ್‌ಥಿ ರ್ವೊವೊ ನಾದೇವ್ಣ ಎಥ್ರಾನವಾಳನ ದೇವ್ ಪ್ಯಾರ್‌ಕರಸ್.

8 ದೇವ್ ಹರೇಕ್ ಥರಾನು ವಾರ್‌ಖೊ ತುಮುನ ಚೆಹಳ್‌ಥಿ ದ್ಯಾವಾನ ಶಕತ್‌ವಾಳೊ ಹುಯಿರ್ದೊತೆ ಇನಾಖ್ವಾಜೆ ತುಮೆ ಕದೇಬಿ ಖ್ವಾರೀಸ್‌ವಾತೆಮ ಭರ್‌ಪೂರ್‌ರ್ದೆಶು. ಬಿಜು ಹರೇಕ್ ಥರಾನು ಅಲ್ಫಾ ಕಾಮ್‌ನ ಹೋಣುತೆತ್ರ ಕರಾವಾಳ ಹುಯಿರ್ದೊಣು.

9 ಪವಿತ್ರ ದಪ್ತರಾಮ ಬೋಲೈರ್ದೊತೆ ಪರಕ್ “ಯೋ ಗರೀಬ್ ಖ್ವಾರಾನ ಚೆಹಳ್‌ಥಿ ದಿಶೆ; ಇನಿ ನೀತಿ ಕದೇಬಿ ರ್ದೆಶೆ.”

10 ಬಿತ್ನೆ ಕರಾವಾಳನ ದಾಣನಾಬಿ ಖಾವಾಳನ ಖಾಣು. ದ್ಯಾವಾಳೊ ದೇವ್ ತುಮುನಾಬಿ ಬಿತ್‌ಕರವಾಳನ ದಾಣೊದೀನ್ ಘಣುಕರೀನ್ ತುಮಾರು ನೀತಿನ ಫಲ್ ಘಣು ಕರ್ಶೆ.

11 ಅಮ್ ತುಮೆ ಅಖ್ವಕಾಮ್‌ಬಿ ಶೌಕಾರಿ ರ್ದೊನ್ ದಿಲ್‌ಫೋಡಿ ದ್ಯಾವಾನ ಶಕತ್‌ವಾಳ ಹುಯಿರ್ದೆಶು. ತುಮಾರಿ ದಾನಅಖ್ವ ಹಮಾರ ಹಾತೇಥಿ ಬಿಜೇಕ್‌ಜ್ಞಾನ ಮಳ್ಳುತೊ ಯೊ ದೇವ್ ಧನ್ಯವಾದ್ನಿ ಸ್ತುತಿಹುವಸ್.

12 ಆ ತುಮಾರಿ ಚಾಕ್ರಿ ಖಲಿ ದೇವ್ ಅದ್ವಿಖ್ವಾರಾನಿ ಖ್ವಿತಾಪ್ಪಿ ಕಾಡ್‌ಶೆಕೊಂತೆ, ಕೈಏಕ್ ಜ್ಞಾಮ ದೇವ್ ಧನ್ಯವಾದ್‌ನಿ ಖ್ವಿಲಾಮ್ ಕರಾನೊ ದಿಲ್ ಆವ್‌ಶೆ.

13 ಕ್ರಿಸ್ತನಿ ಸುವಾರ್ತೆನಿ ಸ್ವಿಕಾರ್‌ಥಿ, ತುಮೆ ಕೆತ್ರಿ ನಿಯ್ಯತ್‌ನ ಸೇವೆ ಕರಾವಾಳ ಹುಯಿರ್ದಾಸ್, ಅಜು ತುಮುನಾಬಿ ಬಿಜ್ಞಾನಾಬಿ ಕೆತ್ರಿ ದಿಲ್ ಫೋಡಿದ್ಯಾವಾಳ ಹುಯಿರ್ದಾಸ್ ಕರಿ ಬೋಲಾನು ಖ್ವಮ್‌ಜಿನ್ ಕೈಏಕ್‌ಜ್ಞಾನ ದೇವ್ ಖ್ವಿರಾವ್‌ಶೆ.

14 ಘಣು ಪ್ಯಾರ್ಥಿ ಇವ್ವೆ ತುಮಾರಖ್ವಾಜೆ ಪ್ರಾರ್ಥನೆ ಕರ್ತೆ. ಆ ಕೊಂತೆ ತುಮಾರಮ ಛಾತೆ ದೇವ್ನಿ ಕೆತ್ರಿಕ್ತಿ ವಾರ್ಖ್ವಾನಖ್ವಾಜೆ ತುಮಾರಖ್ವಾಜೆ ತಖ್ಖುಕರಸ್.

15 ಖ್ವರಾವಾನ ಹೋಯಿಕೊಂತೆ ಎತ್ತು ದೇವ್ನಿ ವಾಖ್ವಾನ್ರಿ ವರನಖ್ವಾಜೆ ಇನ ಧನ್ಯವಾದ್ ಹುವಾದೆ.

10

ಪಾಲ ಇನಿ ಸೇವೆನಿ ಬಾರೇಮ ಬೋಲಿಲಿದೋತೆ

1 ಪಾಲ ಅಪ್ಪಕನ ರ್ವಾವಾನಿ ವಖ್ಖತ್‌ಮ ಶೇದೆವನಿತರ ಚಾಲಿಲ್ಯವಾಳೊಬಿ, ತುಮಾರೇಥಿ ದೂರ್‌ರ್ವಾವಾನಿ ವಖ್ಖತ್‌ಮ ಕರಣ್‌ಥಿಬಿ ಚಾಲಿಲ್ಯವಾಳೊ ಹುಯಿರ್‌ಹೊಸ್ ಕರಿ ಬೋಲೈಲ್ಯಾವಳೊ ಯೋ ಪಾಲ ಕರಿ ಮೇ ಕ್ರಿಸ್ತನಿ ಶಾಂತಿನದಿಲ್‌ನಾಬಿ ಗೋರ್‌ನಾಬಿ ಯಾದ್‌ಕರೈನ್,

2 ತುಮುನ ಗಿಂಗೈಲ್ಯವಾನು ಶಾತ್‌ಕತೊ; ಮೇ ತುಮಾರಕನ ಆವಾನಿ ವಖ್ಖತ್‌ಮ ಕರಣ್‌ಥಿ ಚಾಲಿಲ್ಯವನ ಮನ ವಖ್ಖತ್ ನಕೊದೆವೊ. ಹಮೆ ಜಗತ್‌ವಾಳನಿ ತರ ಜಿವಿಯೇಸ್‌ಕರಿ ಥೋಡು ಜಣು ಖ್ವಮ್‌ಜಸ್ ಇವ್ವ ಜೋಡೆ ಹಿಮ್ಮಡ್ಲಿ ರ್ವೆವ್ವಕರಿ ಛೂ.

3 ಹಮೆ ಲೋಕ್ ಜಿವವಾಳ ರ್ವಯತೋಬಿ ಹಮಾರಿ ಲಡೈ ಜಗತ್‌ವಾಳನಿ ಜಂಗ್‌ಭೇಡಾವಾಳ ಕಾಹೆ.

4 ಹಮೆ ಜಂಗ್ ಭಿಡಾನಿ ವಖ್ಖತೆ ಉಪಯೋಗ್ ಕರೈತೆ ಕಪ್ಪನ್‌ಖ್ವಾರು ಆ ಲೋಕ್‌ನು ಕಾಹೆ. ಯೋ ದೇವ್ನಿ ಗಣ್ತೆಮ ತಾಖತ್‌ವಾಳು ಹುಯಿರೈನ್, ಕೋಟೆವ್ವ ರಡ್‌ಕೈನಾಖವಾಳು ಹುಯಿರ್ದೊಸ್.

5 ಅಪ್ಪಿ ದೇವ್ನಿ ಗ್ಯಾನ್ನ ವಿರೋದ್ ಉಠಾತೆ ಅಹಂಕಾರ್‌ನ ಅಪ್ಪೆ ನಾಶ್‌ಕರಿನ್, ಹರೇಕ್ ಖ್ವಜ್‌ನಾಬಿ ಕ್ರಿಸ್ತನ ಸಮರ್ಪಣ್ ಹುವಾನಿತರ ಯೋ ಅಖ್ವಾನ ಕೊಂಡಿಲಿಯೇ.

6 ತುಮಾರಿ ಹುಕುಮ್ಮ ಮಾನಾನು ಪೂರಹುವಾನಿ ಬಾದ್ಮ ಅಖ್ಪುಸ್ ಹುಕುಮ್ಮನಾ ಮಾನಾನು ದಾವ್ ಕಾಡನ ತಯಾರ್ ಹುಯಿರ್ದಾಸ್.

7 ತುಮೆ ಖಲಿ ಭಾರ್ ದೆಖಾವನು ದೇಖೊಸ್, ಕೋಣ್ ತೋಬಿ ಇನ ಕ್ರಿಸ್ತವಾಳೋಕಿ ಇಮ್ಮಸ್ ಹಮೇಬಿ ಕ್ರಿಸ್ತವಾಳಕರಿ ಮಾಲುಮ್ ಕರಿಲ್ಯಾವಾದೆ.

8 ಹಮೂನ ಛಾತೆ ಅಧಿಕಾರ್ನಿ ಬಾರೇಮ ಹಮೆ ಏಕ್ ಘಡಿ ಭಾಖ್ತಾ ಖ್ವರೈಲಿದಾತೋಬಿ ಇಮ್ ಖ್ವರೈಲ್ಯಾವಾಮ ಮೇ ಖ್ವರ್ಮವಾಕೊಯ್ನಿ. ಕತೋಬಿ ಯೋ, ತುಮುನ ರಡ್‌ಕೈನಾಕ್ಣಕರಿ ಕಾಹೆ. ಭಾಂದ್‌ಣುಕರಿ ಪ್ರಭು ಆ ಅಧಿಕಾರ್ನುಮನ ದೀರಾಖೊಸ್.

9 ಮೇ ಚಿಟ್ಟಿಲೀಖಿನ್ ತುಮುನ ಡರವಾಕರುಸ್ ಕರಿ ನಕೊ ಲಾಜ್‌ಶು.

10 “ಇನೇಥಿ ಆಯುತೆ ಚಿಟ್ಟಿ ಖ್ವಾರು ಕರಣ್‌ನುಬಿ ತಾಖತ್‌ವಾಳುಬಿ ಹುಯಿರ್ದಾಸ್. ಕತೋಬಿ ಶರೀರ್‌ಥಿ ಯೊ ಕಮ್‌ಜೋರಿಹುಯಿನ್ ಇನಿ ವಾತೆ ಖ್ವಾರಿ ಕಾಮ್‌ಕೊಯ್ನಿತೇಬಿ ಹುಯಿರ್ದಿಶಿ” ಕರಿ ಥೋಡು ಜಣು ಬೋಲಸ್.

11 ಅಥ್ರಾನವಾಳು, ಹಮೆ ದೂರ್ ರ್ವಾವಾನಿ ವಖ್ತಮ್, ಚಿಟ್ಟಿಯೇಮ ಲೀಖೈರ್ದಿಶಿ ವಾತ್ ಕಿಮ್ ಛಿಯೇಕಿ ಖನ್ನೆ ರ್ವಾವಾನಿವಖ್ತೆ, ಕಾಮ್‌ಬಿ ಎಥ್ರಾನಸ್‌ವಾಳಕರಿ ಮಾಲುಮ್ ಕರಿಲ್ಯಾವಾದೆ.

12 ಇವ್ಣು ಇವ್ಣೇಸ್ ಖ್ವರೈಲ್ಯಾವಾಳನಿ ಜೋಡ್ ಹಮೆ ಸಮಾನ್ ಕರಿಲ್ಯಾವಾನ ಕೋಶಿಶ್ ಕರುಕೊಯ್ನಿ. ಇವ್ಣಾಸ್‌ಮ ಇವ್ಣೆ ಆಳ್ತಿ ಕರೀನ್, ಇವ್ಣುನ ಇವ್ಣೇಸ್ ಸಮಾನ್ ಕರಿಲೇಸ್, ಇವ್ಣುನ ಶಾಪ್ತಿ ಮಾಲುಮ್ ಕೊಯ್ನಿಕರಿ, ಆಸ್ ಅಖ್ಪು ಓತಾಳಸ್.

13 ಹಮೇ ತೋಬಿ ಹಮಾರಿ ಯೋಗ್ಯತೆನ ಮ್ಹೇಲಿನ್, ಖ್ವರೈ ಲಿಯೇಕೊಂತೆ ದೇವ್ ಹಮೂನ ದೀರಾಖೊತೆ ಹುಕುಮ್ಮ ರ್ವೇನ್ ಖ್ವರೈಲಿಯೇಸ್. ಆ ಹುಕುಮ್ಮ ರ್ವೇನ್ ತುಮಾರಲಗು ಐರ್ದಾಸ್.

14 ಹಮೆ ಕ್ರಿಸ್ತನಿ ಸುವಾರ್ತೆನ ಬೊಲ್ತಹುಯಿನ್ ಅಖ್ವೇಥಿ ಅಗಾಡಿ ತುಮಾರಕನ ಆಯಾತೆ ಇನಖ್ವಾಜಿ ತುಮಾರಪರ್ ಅಧಿಕಾರ್‌ಕೊಂತೆ

ತಿಮ್, ಹುಕುಮ್‌ನ ಮೈಲಿನ್ ವಳ್ಳಾಜಯೀ ಕೊಯ್ನಿ. ಕ್ರಿಸ್ತನಿ ಸುವಾರ್ತೆನ ಬೋಲ್ತಾಹುಯಿನ್ ಹಮೆ ತುಮಾರಾಕನ ಐರ್ಲ್ಡಾಸ್‌ನಿ.

15 ಹಮೆ ಮಿತ್‌ಮೀರಿನ್ ಬಿಜೇಕ್‌ಫಣಾನ ಮಿನ್ಹತ್‌ನ ಫಲ್ಸ್‌ಲೀಲಿನ್ ಆ ಹಮಾರು ಕರಿ ಬೋಲಿಲ್ಯಾವಾಳ ಕಾಹೆ. ಕತೋಬಿ ಹಮಾರಿ ವಿಶ್ವಾಸ್ ಜಾಖ್ತ್ ಹುವಾತೆ ತಿಮ್ ತುಮಾರೇಥಿ ಹಮಾರು ಕಾಮ್ ಬಿಜೂಬಿ ಭಡ್ಪಜಾಶೆ.

16 ಶನಕತೊ ತುಮಾರ ಖ್ವಿಯೇರ್‌ಥಿ ದೂರ್ ರ್ಲೆಯ್ತೆ ತಬರ್‌ಖಾಮಾಬಿ ಸುವಾರ್ತೆನ ಖ್ವಮ್‌ಜಾಡ್ನ್ ಕರಿ ಆಖ್ತ್ ಹಮೂನ ಲ್ಲಾ. ಕತೋಬಿ ಬಿಜು ಭಣು ಕಾಮ್‌ಕರ್ತ್ಯಾಹುಯ ತಬರ್‌ಖಾಮ ಹಮೆ ಕಾಮ್‌ಕರಿನ್ ಮೋಟಕರಿ ಬೋಲಿಲ್ಯಾವಾನ ಹಮೂನ ಆಖ್ತ್‌ಕೊಯ್ನಿ.

17 ಕತೋಬಿ ಭಡವಾಳೊ ಪ್ರಭುಮಾಸ್ ಭಡಾದೆ.

18 ತಿನ್ಹುತ್ಯೋಸ್ ಖ್ವರೈಲ್ಯಾವಾಳೊ ಯೋಗ್ಯಕಾಹೆ. ಪ್ರಭು ಕಿನ ಖ್ವಿರಾವಸ್ಕಿ ಯೋಸ್ ಖ್ವಾಚಾಮ ಯೋಗ್ಯ.

11

ಪೌಲ ಅಜು ಝೂಟೆ ಅಪೊಸ್ತಲರ್

1 ಮೇ ಪಗ್‌ಲ್ಯೊಹುಯಿರ್‌ಲ್ಹವಾನಿ ವಖ್ತ್‌ಮಾಬಿ ತುಮೆ ದಯಕರಿನ್ ಜರ ಖ್ವಮಾಳಿವ್ಣುಕರಿ ಆಖ್ತ್‌ಕರುಸ್. ಕತೋಬಿ ಇಂಥಿ ಅಗಾಡಿ ತುಮೆ ಇಮ್ ಕರಿರಾಕ್‌ಶು.

2 ಶನಕತೊ ದೇವ್‌ಮ ಲ್ಲಾತೆ ಬಳಾಪಥೀಸ್ ಮೇ ತುಮಾರಿ ಬಾರೇಮ ವೆಚ್‌ಣೆಕರೂಸ್. ತುಮುನ ಕ್ರಿಸ್ತ ಕರಿ ಬೋಲ್ತೆರ್‌ಲ್ಹೊತೆ ಎಕ್ಸ್‌ ಪರ್ಖ್ತಾನ್ ಶುದ್ಧಕವಾರಿ ಬಣೈನ್ ತುಮುನ ಇನ ಹಾತ್ಮ ದೇವ್ಣುಕರಿ ತೀರ್ಮಾನ್ ಕರಿರಾಖ್ಲೊಸ್ಕಿ.

3 ಕತೋಬಿ ಹವ್ವ ಖ್ವಾಪ್‌ನ ಲಬುಜ್‌ನಿ ವಾತ್ಮ ಮೈಕಮ್‌ಹುಯಿನ್ ಧೋಕಹುಯಿತಿ ತಿಮ್ ತುಮಾರು ದಿಲ್ ಕ್ರಿಸ್ತನಿ ಬಾರೇಮ ರ್ಲೆವ್ಣುಧೂತೆ ಶುದ್ಧಮನ್‌ಥೀಬಿ ಪರಿಶುದ್ ಭಕ್ತಿನಾಬಿ ಮೈಲಿನ್ ಖಿರಾಬ್ ಹುಯಿಜಾಶೆಕರಿ ಡರ್ ಮಾರಾಮ ಲ್ಲಾ.

4 ಶನಕತೊ ಹಮೆ ಬೋಲು ಕರ್ತಧಾತೆ ಬಿಜೇಕ್‌ಜಣೊ ಯೇಸು ತುಮಾರಕನ ಆಯಿನ್ ತುಮುನ ಬೋಧನೆ ಕರಾನಿ ವಖ್ವೆತೆಬಿ. ತುಮೆ ಲೀರಾಖ್ಯಕೊಂತೆ ಬಿಜೇಕ್ ಆತ್ಮಾನ ಲಿಲ್ಯಾವನಿ ವಖ್ವೆತೆಬಿ ಸ್ವೀಕಾರ್ ಕರಕೊಂತೆ ಬಿಜೇಕ್ ಸುವಾರ್ತೆನ ಸ್ವೀಕಾರ್‌ಕರಿಲ್ಯಾವನಿ ವಖ್ವೆತೆ ತುಮೆ ಅಛಿನಿತರ ಖ್ವಮಾಳಿಲೆವೊಸ್.

5 ಮೋಟೆ ಅಪೊಸ್ತಲರ್‌ಕರಿ ಬೋಲೈಲ್ಯಾವಾಳ ಏಕ್‌ಥೀಬಿ, ಮೇ ಕಮ್ ಕಾಹೆ ಕರಿ ಲಾರ್ಲುಸ್.

6 ಮೇ ವಾತ್ಮ ಚಾತುರ್‌ನಾರ್‌ಯೊ ತೋಬಿ ಗ್ಯಾನ್‌ಮ ಕಮ್ ಕಾಹೆ. ಅನ ಮೇ ಹರೇಕ್ ಹಾಲತ್ಯಾಬಿ ಛೋಡಿವತಾಳಿ ರಾಖುಸ್.

7 ತುಮುನ ಊಚ್ ಪಡಾವ್ಣು ಕರಿ ಮಾರು ಮೇ ಹೇಟುಕರಿಲೀನ್ ದೇವ್ನಿ ಸುವಾರ್ತೆನ ಮೇ ಪುಗಟ್ ಬೋಲ್ಯೊತೆ ಮಾರಿ ಪಾಪ್‌ಕಿಶು?

8 ತುಮಾರಿ ಸೇವೆಕರಾನ ಖ್ವಾಜೆ ಮೇ ಅಲಕ್ ಸಬೆಥೊ ಮದತ್‌ಲೀನ್ ಇವ್ಣುನ ಗುರ್‌ಕಾವ್‌ತೊ ಹುಯಿನ್ ಇವ್ಣುಪೈಶಾನ ವಶೂಲ್ ಕರ್ತೊಥೊ.

9 ಮೇ ತುಮಾರಕನ ರ್ವಾವಾನಿ ವಖ್ವೆತೆಮ ಮಾರಿ ಖಿವಿ ಜರೂರತ್‌ನಾಬಿ, ಮೇ ಖಿವಿ ಪರಕ್ತುತುಮಾರಾಪರ್ ವಜನ್ ಹುಯಿರ್‌ಲ್ಯೊ ಕೊಯ್ನಿಕಿ ಖ್ವಾಪ್ಣೆಮೆ ಭೋಜ್ ಕೊಹುಯಿಶ್ಚಿ. ಶನಕತೊ ಮೆಕೆದೋನ್ಯಥಿ ಆಯಾತೆ ಭೇನೆ ಭೈಯೇನೆ ಮಾರಿ ಜರೂರತ್ ಪೂರಕರ್‌ಲ್ಯಾ.

10 ಆ ಮಾರಿ ಖ್ವರಾಪ್ಣಿನ ಅಖಾಯ ತಬರ್‌ಖಾನು ಕೋಣ್‌ಬಿ ಆ ಮಾರಿ ಖ್ವರಾಪ್ಣಿನ ಕಮ್‌ಲೋಕಖ್ವರ್ ಕೊಯ್ನಿ ಕರಿ ಕ್ರಿಸ್ತ ಯೇಸುನ ಖ್ವಾಪ್ಣೆ ಖ್ವಾಚಾಮ ಬೋಲುಸ್.

11 ಮೆ ಬೋಲ್ತುಕತೊ ತುಮುನ ಪ್ಯಾರ್‌ಕರುಕೊಯ್ನಿ? ಶನಖ್ವಾಜೆಕತೊ ಯೋ ದೇವ್ನಾಸ್ ಮಾಲುಮ್ ಛಾ.

12 ಛೋಡುಜಣು ಇವ್ಣೆ ಕರುಕರಾತೆ ಕಾಮ್, ಹಮೇ ಅಪೊಸ್ತಲರ್ ಹುಯಿನ್ ಕರುಕರೆತೆ ಕಾಮ್ ಬರೋಬರ್ ಕರಿ ಅಡ್‌ಫೇಡ್‌ಬೋಲಾನ ವಖ್ವೆತ್ ಡೂಂಡುಕರಾಸ್. ಇವ್ಣುನ ಖಿವು ಭಾಣು ನಾಮಳ್‌ನುತೆ ಮೇ ಹಮ್ಗೆ ಕರುಕರುಸ್ತೆ ಇನಾಸ್ ಕರ್ತೊಜಯಿಶ್.

13 ಎಥ್ರಾನು ಅದ್ಮಿಖ್ವಾರು ಝೂಟುಅಪೊಸ್ತಲರ್,

ಧೋಕಕರವವಾಳು, ಕ್ರಿಸ್ತನು ಅಪೊಸ್ತಲರ್‌ಕರಿ ವೇಷಬದ್ಧವವಾಳು ಹುಯಿರೊಸ್.

14 ಅನಾಮ ಆಶ್ಚರ್ಯ ಶಾತ್‌ಕೊಯ್ನಿ, ಶೈತಾನ್‌ಬಿ ಉಜಾಳನೊ ದೂತನಿತರ ದೆಖ್ವಿಲೇಸ್.

15 ಇನಾಖ್ವಾಜೆ ಇನ ಸೇವಕರ್‌ಬಿ ನೀತಿನ ಸೇವಕರ್ದಿತರ ದೆಖ್ವಿಲ್ಯಾವಾನ ಇವ್ವುನ ಬದ್‌ಲೈಲ್ಯಾವಾನು ಆಶ್ಚರ್ಯ ಶಾತ್‌ಬಿಕೊಯ್ನಿ ಇವ್ವ ಕಾಮ್ನ ತಕ್ಕಾದ್‌ನ ಇವ್ವು ಖರ್ತಿ ರ್ದಿಶೆ.

ಪೌಲ ಅಪೊಸ್ತಲ ಹುಯೋತೆ ತದೆ ಇನ ಹುಯುತೆ ಖ್ವತಾಪ್ಪಿ

16 ಮೇ ಪಗ್‌ಲ್ಯೊ ಕರಿ ಕೋಣ್‌ಬಿ ಮನ ನಾಲಾರ್ಘುಣುಕರಿ ಪಾಪೊಬೋಲುಸ್, ಇಮ್ ಲಾರ್ಘಾತೋಬಿ ಮನ ಪಗ್‌ಲ್ಯೊಕರಿ ತೋಬಿ ಮಳ್ಳೆಲೆವೊ; ಶನಕತೊ ಮೇಬಿ ಥೋಡುಭೋತ್ ಖ್ವರ್ದೆಲೆವ್ವು ಕರಿ ಣ್ಣು.

17 ಮೇ ಆಖ್ವಾರಿವಾತೆನ ಪ್ರಭುನಿ ವಾತೆನಿತರ ಬೋಲುಕೊಂತೆ ಶೊಂತ್ ಭರೋಖ್ವಾಧಿ ಬಡ್ವೆ ಮಾರಿಲ್ಯಾವಾಳ ಪಗ್‌ಲ್ಯಾನಿತರ ಬೋಲುಸ್.

18 ಕತೋಬಿ ಕೈಏಕ್ ಜಣು ಜಗತ್ತಿ ಸಂಬಂದ್‌ನಿ ಬಾರೇಮ ಇವ್ವೆ ಖ್ವರ್ದೆಲೆಯಿತೆತಿಮ್ ಮೇಬಿ ಖ್ವರ್ದೆಲೆವುಸ್.

19 ಅಕ್ಲಿ ಹುಯಿರಾತೆ ತುಮೆ ಪಗ್‌ಲ್ಯಾವ್‌ನ ಖುಷಿಧಿ ಖ್ವಮಾಳೆಲೆವೊ.

20 ಖ್ವಾಚಮ ಬೋಲ್ವುಕತೊ ಕೋಣ್‌ತೋಬಿ ತುಮುನ ಕಬ್‌ಜಾಮ ಕರಲ್ವತೋಬಿ, ತುಮುನ ಕಡ್‌ತೆಲ್ ದೇಖಸ್ ಇವ್ವು ಫಾಯಿದೊ ಕರಿಲೇಸ್ ತೋಬಿ ತುಮಾರ ಕಲ್ಲಪರ್ ಮಾರಲ್ವತೋಬಿ ತುಮೆ ಖ್ವಮಾಳೆ ಲೆವೋಸ್‌ನಿ.

21 ಅಮ್ ಅಖ್ವುಕರಾನ ಮಾರೇಧಿ ಕಮ್‌ಜೋರಿಕರಿ ಮಾನಿಲ್ಯಾವಾನ ಮನ ಖ್ವರಮ್‌ಲಾಗಸ್. ಖಿವು ಬಿಜ್ಜು ಜಣು ಖ್ವರ್ದೆಲ್ಯಾವಾನ ಧಿಲ್‌ಪತ್ ಕರಸ್ಸಿ ಇನ ಮೇ ಪಗ್‌ಲ್ಯಾನಿತರ ಖ್ವರ್ದೆಲ್ಯಾವಾನ ಹುಮ್ಮಖ್ವ್‌ಕರುಸ್.

22 ಇವ್ವೆ ಹಿಬ್ಬುವಾಳಕಿ ಶು? ಮೇಬಿ ಇವ್ವಿನಿತರ ಹುಯಿರೋಸ್, ಇವ್ವೆ ಇಸ್ರಾಯೇಲ್‌ವಾಳ? ಮೇಬಿ ಇವ್ವಿನಿತರಸ್ ಹುಯಿರೈವುಸ್; ಇವ್ವೆ ಅಬ್ರಹಾಮಾನಿ ಖೂಮ್‌ವಾಳ? ಮೇಬಿ ಇನಿ ಖೂಮ್‌ವಾಳೊ.

23 ಇವ್ವೆ ಕ್ರಿಸ್ತನ ಸೇವಕರ್‌ಕಿಶು? ಇವ್ವೇಧಿ ಜಾಖ್ವತ್ ಮೇ ಸೇವೆ ಕರಾವಾಳೊ ಹುಯಿರೋಸ್. ಮೇ ಪಗಲ್ಯಾನಿತರ ವಾತೆಬೋಲುಕರುಸ್, ಮೇ ಘಣು ಖ್ವಿರೈವುಸ್ ಘಡಿಕೇಡೆ ಜೇಲ್‌ಮ ಘಲ್ವೆಲಿಧೋಧೊ. ಕರಣ್ಣಿ ಪರಕ್ಮ ಮಾರ್‌ಖೈರಾಖ್ಯೋಸ್. ಕೈಯೇಕ್ ವಖ್ವತ್ ಮರಣ್‌ಮ ಖ್ವಪ್‌ಡಿಗಯೋಧೊ.

24 ಯೆಹೂದ್ಯರ್ ಹಾತೇಧಿ ಪಾಚ್ ವಖ್ವತ್ ನೌ ಉಪ್ಪರ್ ಡೋಡಿಖ್ವ್ ಕೊಲ್ದಾನ ಮಾರ್ ಖೈರಾಖ್ಯೋಸ್.

25 ತೀನ್‌ಹಲ್ಲ ಕೊಲ್ದಾನಿ ಮೂಟ್‌ಧಿ ಕೂಟೈಲಿಧೊ. ಏಕ್ ವಖ್ವತ್ ಮನ ಮಾರಿನಾಖಾನ ಬಂಡೊಫೇಕ್ಯು ತೀನ್‌ವಖ್ವತ್ ಮೇ ವಳ್ಳೊಜಾತೊಧೋತೆ ಜಹಾಜ್ ಪುಟೇಗಿ. ಏಕ್ ರಾತ್ ಏಕ್‌ದನ್ ಮೇ ದರ್ಯಾವ್‌ಪರ್ ತೇಲ್‌ತೊಫಂಡ್ಯೊ.

26 ಗಾಮ್‌ಧಿ ಗಾಮ್ ಚಾಲ್ತೋಸ್ ರೈಯೊ. ನದ್ದಿಯೇಧಿ ಖತ್ರ, ವಾಟ್‌ಪರ್ ಚೋರ್‌ಧಿ ಖತ್ರ, ಯೆಹೂದ್ಯರ್ ಅಜು ಯೆಹೂದ್ಯರ್‌ಕಾಹೆತೆ ಅದ್ದಿಧಿ ಖತ್ರ, ಖ್ವಿಯೇರ್‌ಮ ಖತ್ರ, ಭಾರ್‌ಲ್ಯ ತಬರ್‌ಖಾವ್‌ಮ ಖತ್ರ, ದರ್ಯಾವ್‌ಮ ಖತ್ರ, ಅಜು ಝೂಟ ಭಯೇಧಿ ಖತ್ರ ಅಖ್ವಾಸ್‌ಮ ಮೇ ಖ್ವಾಮೆ ಹುಯೊ.

27 ಮೇ ಖ್ವತೀನ್ ರಾಬ್ಯೊ ಕೆತ್ರಿಕ್ಕಿ ವಖ್ವತ್ ನಿಂದರ್‌ಕೋಲಿದೋನಿ. ಭುಕ್ ಲೋಖ್ವ್‌ಶಾತ್‌ಕರಿ ಮಾಲುಮ್ ಕರಿಲಿದೊ. ಖಾಣುಕೊಂತೆ ಕೆತ್ರಿಕ್ಕಿ ವಖ್ವತ್ ಪಟ್ಟಿಪಡ್ಯೊರೈಯೊ. ಬರೋಬರ್‌ನು ಲುಂಗ್ಡುಕೊಂತೆ ರಣ್‌ಮ ಕಾಪ್ಪೊ ರೈಯೊ.

28 ಎತ್ರೇಸ್ ಕಾಹೆ, ಖ್ವಾರೀಸ್ ಸಬೆಪರ್‌ನು ವೇಚ್‌ಣೆ ಮನ ದನ್‌ಪರ್‌ರೋಜ್ ಖ್ವತ್‌ವಕರಸ್.

29 ಏಕ್ ಜಣೊ ಕಮ್‌ಜೋರಿ ಹುಯಿರೊತೊ, ಇನ ಜೋಡ್ಡು ಮೇಬಿ ಕಮ್‌ಜೋರಿನೋಸ್. ಏಕ್ ಜಣೊ ಪಾಪ್ಪ ಬಲಿಹುಯೊತೊ ಮೇ

ಪಶ್ಚಾತ್ತೇಶ್ ಕೊಯಿನ್ನೆ ರೆಶ್ತೆಕೊಯ್ನಿ.

30 ಮನ ಖರೈಲ್ಯಾವಾನು ರ್ವಯುತೊ ಮಾರಿ ಕಮ್‌ಜೋರಿನಿ ಬಾರೇಮಸ್ ಖರೈಲೆವ್‌ಸ್.

31 ಕದೆ ಕದೇಬಿ ಸ್ತುತಿಹುವಾಳೊ ಪ್ರಭು ಯೇಸುನೊ ಬಾಬಿ, ದೇವ್‌ಬಿ ಹುಯಿರಾವಳೊ ಮೇ ಝೂಟಿ ಕೋಬೋಲುನಿ ಕರಿ ಮಾಲುಮ್ ಕರಿರಾಖೋಸ್.

32 ದಮಸ್ಕಮ ರಾಜ್ ಹುಯಿರೋತೆ ಅರೇತನಿ ಹುಕುಮ್‌ನಿತರ ಹಿಜ್ಜಾನೊ ರಾಜ್‌ಪಾಲ್ ಮನ ಧರೀನ್ ಕೊಂಡಿನಾಕ್ಲು ಕರಿ ದಮಸ್ಕ ಖ್ವಯೇರ್ ಶಿಪಾಯಿಧಿ ಕಾವ್ಲಿ ಕರಾಯೊ.

33 ಕತೋಬಿ ಖ್ವಯೇರ್ ಭೀತ್‌ನ ಕಿಟಕಿನ ಮಹಿಧು ಮನ ಏಕ್ ಟೋಕ್ರಾಮ ಬೆಖ್ವಾಡನ್ ಹೇಟ್ ಉತ್ರಾಯು ಅಜ್ಜು ಇವ್ವಹಾತ್ಮದೊ ಮೇ ಛುಕಿನ್ ನಾಶಿಕಾಯೊ.

12

ಪೌಲನು ದರ್ಶನ್‌ಖ್ವಾರು ಅಜ್ಜು ಇನು ಪ್ರಕಟಣೆ

1 ಮೇ ಖರೈಲ್ಯಾವಾನು ಅಲ್ಪು ಕಾಹೆ, ಕತೋಬಿ ಖರೈಲ್ಯಾವಾನು ಮನ ಜರೂರತ್ ಛಾ. ಇನಖ್ವಾಜೆ ಪ್ರಭುನೆ ಮನ ದಿದೋತೆ ದರ್ಶನನಾಬಿ ಅಜ್ಜು ಮಾಲುಮ್‌ಕರಾಯೊತೆ ಪ್ರಕಟಣೆನಿ ಬಾರೇಮ ಬೋಲುಸ್.

2 ಕ್ರಿಸ್ತಮ ಛಾತೆ ಏಕ್‌ಜಣೊ ಮನ ಮಾಲುಮ್ ಚೌಧ ವರಖ್ವಾನ್ ಪೀರೆ ಯೊ ತೀನ್ನೊ ಆಕಾಶ್‌ಪರ್ ಪಡೈಗಯೊ. ಯೋ ಶರೀರ್ ಖ್ವಮ್‌ದೆ ಗಯೋಕಿ, ಶರೀರ್ ಕೊಯ್ನಿತೇಸ್ ಗಯೋಕಿ ಮನ ಮಾಲುಮ್‌ಕೊಯ್ನಿ ದೇವ್‌ಮಾಲುಮ್.

3 ಯೋ ಅದ್ವಿ ಸೊರ್ಗಮ ಪಡೈಗಯೊ. ಶರೀರ್ ಖ್ವಮ್‌ದೇಕಿ, ಶರೀರ್ ಕೊಯ್ನಿತೇಸ್ ಗಯೋಕಿ, ಯೋ ಮನ ಮಾಲುಮ್ ಕೊಯ್ನಿ ಯೋ ಖಲಿ ದೇವ್‌ಮಾಲುಮ್.

4 ಯೋ ಸೊರ್ಗಲಗು ಉಡಿಜೈನ್ ಅದ್ವಿವೋಧಿ ಬೋಲ್ವುನಾತೆ ವಾತೆನ ಖ್ವಮ್‌ಜೊಕರಿ ಮಾಲುಮ್. ಯೋ ವೇಳ್ಳ ಇನೆ ಶರೀರ್‌ನ

ಲೀರಾಖ್ಯೋಧೋಕಿ ಕೊಯ್ನಿ ಶರೀರ್ ಕೋಲಿರಾಖ್ಯೋಧೋನಿಕಿ ಮನ ಮಾಲುಮ್‌ಕೊಯ್ನಿ ದೇವ್ನಾಸ್ ಮಾಲುಮ್.

⁵ ಯೋ ಅದ್ವಿನಿ ಬಾರೇಮ ಮೇ ಖ್ವರವುಸ್. ಕತೋಬಿ ಮಾರಿ ಬಾರೇಮ ಖ್ವರವ್‌ಕೊಯ್ನಿ ಮಾರಿ ಕಮ್‌ಜೋರಿನಿ ಬಾರೇಮ ಖ್ವರೈಲೆವುಸ್.

⁶ ಏಕ್ ವಖ್ತ್ ಮೇ ಖ್ವರೈಲ್ಯಾವಾನು ದಿಲ್‌ಹರ್‌ಯುತೋಬಿ ಇಮ್ ಖ್ವರೈಲ್ಯಾವಾಮ ಮೇ ಬಿಣ್ ಅಕ್ಲಿ ಹುಯಿಶ್ ಕೊಯ್ನಿ ಶನಕತೋ ಮೇ ಖ್ವಾಚುಸ್ ಬೋಲಿಶ್. ಕತೋಬಿ ಕೋಣ್‌ತೋಬಿ ಮಾರಾಮ ದೆಖಾವಾಥೀಬಿ ನತರ್ ಮಾರೇಥಿ ಖ್ವಮ್‌ಜಾಥೀಬಿ ಜಾಖ್ತ್ ಮನ ಪರಖ್ನುನಾ.

⁷ ಕತೋಬಿ ಮೇ ಆದ್ಮಿರ್ಟ್ವೀನ್ ಖ್ವರೈನಾಲೇವ್ವುಕರಿ ಮನ ಭಾಲೇಥಿ ಟೋಚನಖ್ವಾಜಿ ಶೈತಾನ್ನ ದೂತನಿತರ ಮನ ಘುಖ್ತೋ ಮಾರೈಶ್ ಶನಕತೋ ಮೇ ಫುಲಿ ನಾಜಾವ್ವುಕರಿ ಅಮ್ ಹುಯುತೆ.

⁸ ಆ ಅಜ ಮನ ಮ್ವೇಲಿ ನಿಕ್ಕಿಜಾವ್ವುಕರಿ ಪ್ರಭುನ ತೀನ್ ವಖ್ತ್ ಗಿಂಗೈಲಿದೊ.

⁹ ಇನಖ್ವಾಜಿ ಯೋ ಮನ, “ಮಾರಿ ವಾರ್‌ಖ್ವೊ ತುನ ಬಶ್” ತಾರಿ ಕಮ್‌ಜೋರಿಮಾಸ್ ಮಾರಿ ಶಕತ್ ತಾರಾಮ ಪೂರ ಹುಯಿರ್ಟ್ವೀಶೆ ಕರಿ ಮನ ಬೋಲ್ಯೊ ಇನಖ್ವಾಜೀಥಿ ಕ್ರಿಸ್ತನಿ ತಾಖತ್ ಮಾರಪರ್ ಡಪೈರ್ಟ್ವೀವ್ವುಕರಿ ಮನಹುಯಿತೆ ಕಮ್‌ಜೋರಿನಿ ಬಾರೇಮಸ್ ಜಾಖ್ತ್ ಖುಷಿಕರುಸ್.

¹⁰ ಇನಖ್ವಾಜೀಥಿ ಕ್ರಿಸ್ತನಖ್ವಾಜಿ ಮನ ಕಮ್‌ಜೋರಿಬಿ, ರ್ಪಿಟ್ಕಾರನಬಿ, ಶಾತ್‌ಕೊಂತೇಬಿ, ಖ್ವತಾಪ್ಪಿಬಿ, ವದೇಖ್ವಾಜಿ ಆಯೂತೆ ಖ್ವಶಿಕರುಸ್. ಮೇ ಕೆದೆ ಕಮ್‌ಜೋರಿ ರ್ಟ್ವೀವುಸ್‌ಕಿ ತದೇಸ್ ತಾಖತ್‌ವಾಳೊ ಹುಯಿರ್ಟ್ವೀವುಸ್.

ಕೊರಿಂಥವಾಳಾನಿ ಬಾರೇಮ ಪೌಲನಿ ಖ್ವದ್ದರ್

11 ಮೇ ಅಮ್ ಖ್ವರಾವ್ವಿ ಕಾಡಿಲ್ಯವಾಮ ದೀವಾನೊ ಹುಯಿರೋಸ್, ಇನ ತುಮೇಸ್ ಮನ ಜುಲಮ್ ಕರ್ಯ್. ತುಮಾರೇಥಿ ಮನ ಖ್ವರಾವ್ವಿ ಹೋಣುಪಡ್ತು. ಶನಕತೊ ಮೆ ಶಾತ್ರಿ ರಕ್ಷೆಯೊನಾತೋಬಿ ಘಣೊ ಮಹಾನ್ ಹುಯಿರೋತೆ ಅಪೊಸ್ತಲರ್‌ಮಾಬಿ ಶನಾಮಬಿ ಮೇ ಕಮ್‌ಕೊಯ್ನಿ.

12 ಮೇ ಖ್ವಾರಸ್ಸ ಖ್ವಮಾಳಿಲ್ಯವಾಮಾಬಿ, ಖ್ವಣೇದ್‌ನು ಕಾಮ್ನಾಬಿ ಅದ್ವತ್‌ಕಾಮ್‌ನಾಬಿ, ಮಹಾನ್ ಕಾಮ್ನ ಚಲಾವಮಾಬಿ, ಅಪೊಸ್ತಲನ ರಕ್ಷೆಯ್ವುತೆಲಖಣ್ ತುಮಾರ ಇಚ್ಛೆಮ ವತಾಳ್ಕೊ.

13 ಮನ ಭತನ್‌ಕರಾನ ವಜನ್ನ ಮೇ ತುಮಾರಪರ್ ನಾಖ್ಯೊಕೊಯ್ನಿಕರಿ ಎಕ್ಕ್‌ನಿ ಬಾರೇಮ ಪಣ್ಣಿ ಬಿಜು ಖೆವಾನಿ ಬಾರೇಮಾಬಿ ತುಮುನ ಬಿಜಿ ಸಬೆವಾಳಾಥಿ ಕಮ್ ಕರ್ಯೊಕೊಯ್ನಿ? ಆ ಮಾರಿ ಗಲತ್‌ನ ಮಾಪ್ ಕರೊ.

14 ಹಮ್ ತುಮುನ ತೀನ್ನೆಹಲ್ಲಾ ಮಳಾನ ತಯಾರ್ ಹುಯಿರಯ್ವೊಸ್ ಕತೋಬಿ ಮೇ ತುಮುನ ಭೋಜ್ ಕೊಹುಯಿರಿಷ್ಟಿ. ತುಮಾರಿ ಶೊತ್‌ಮ ಖಿವೂಬಿ ಮನ ಹೋಣುಕೊಯ್ನಿ. ಮನ ಹೋಣುತೆ ತುಮೇಸ್. ಲಡ್ಕಾ ಆಯ ಬಾನ ಖ್ವಾಜೆ ಪೈಶ ಭಮಾಕರೀನ್ ದೆವ್ವು ಕೊಯ್ನಿ. ಆಯ ಬಾ ಲಡ್ಕನಖ್ವಾಜೆ ಪೈಶ ಭಮಕರಿ ಮ್ಹೇಲಸ್.

15 ಇನಖ್ವಾಜೆ ಮಾರಾಕನ ರಕ್ಷೆಸ್ತೆ ಅಖ್ವು ತುಮುನ ದೈವಾನು ಖುಷಿಕರುಸ್. ಮನಾಸ್ ತುಮುನ ದಿನಾಖುಸ್. ಮೇ ತುಮುನ ಘಣು ಪ್ಯಾರ್ ಕರ್ಯೊತೊ, ತುಮೆ ಮನ ಕಮ್ ಪ್ಯಾರ್ ಕರ್ತುಕಿಶು?

16 ಕತೋಬಿ ಅಮ್‌ರವ್ವಾಪರ್ ಮೇ ತುಮುನ ವಜನ್ ಕೊಹುಯಿರಯ್ವೊನಿ ಕತೋಬಿ ಝೂಟಿ ಬೋಲಿನ್ ತುಮುನ ಜಾಳಾಮ ಘಖ್ವಾಯೊಕರಿ ಬೋಲೊ.

17 ಮೇ ತುಮಾರಕನ ಮೋಕ್‌ಲ್ಯಹುಯಾಮ ಕಿನೇಥಿ ತೋಬಿ ತುಮುನ ರಗೈನ್ ಶಾತ್‌ತೋಬಿ ಮಾಂಗಿಲಿದೊಕಿ ಶು?

18 ತುಮಾರಕನ ಜಾವ್ಣುಕರಿ ಮೇ ತೀತನ ಗಿಂಗೈನ್ ಇನಿ ಜೋಡ್ಡ ಹಮಾರ ಭೈನ ಮೋಕ್‌ಲ್ಯೊತೆ ಎತ್ರೇಸ್: ಇನ ತುಮುನ ಶಾತ್‌ತೋಬಿ ರಗಾಯೊಕಿ ಶು? ಕೊಯ್ನಿ, ಹಮೇ ಬೇಜಣ ಎಕ್ಕ್‌ ಆತ್ಮಧಿ ಭರೈನ್

ಎಕ್ಸಸ್ ಪರಕ್ಮಚಾಲಿದಧಾನಿ.

19 ಹಮೆ ಅವ್ವಿ ವಖ್ಖತ್ ತುಮಾರ ಖ್ವಾಮ್ವೆ ಆಡ್‌ಫೇಡ್ ಬೋಲುಕರಿಯೇಸ್‌ಕರಿ ಲಾರ್ಯಾಕಿ ಶು? ದೇವ್ ಖ್ವಾಮ್ವೆಸ್ ಹಮೆ ಕ್ರಿಸ್ತಮರ್ದೀನ್, ವಾತ್ ಬೋಲಾವಾಳ ಹುಯಿರ್ದಾಸ್. ಪ್ಯಾರನ್ ದೋಸ್ತಿವೊ, ಹಮೆ ಕರಾನು ಅಖ್ವಿಬಿ ತುಮಾರಿ ಭಕ್ತಿನ ಜಾಖ್ಖತ್ ಕರಾನಸ್ ಹುಯಿರ್ದಾಸ್.

20 ಶನಕತೊ ಮೇ ಆವಾದಿನ್, ಏಕ್ ಘಡಿ ತುಮೆ ಮಾರಿ ಆಖ್ವೊ ತರಸ್ ತುಮೆ ರ್ದೀಸ್ತಿ ಕೊಯ್ನಿಕಿ ಕರಿ ಮನ ಡರ್ ಲ್ಹಾ. ಮೇ ತುಮಾರಿ ಆಖ್ವೊ ಪರಕ್ ದೆಖಾವ್ಣನಾತೆ ರ್ಲವೊ ತೋಬಿ, ಏಕ್ ಘಡಿ ತುಮಾರಾಮ, ಲಡೈ ಪೇಟೊ ಬಳಾಪೊ, ಇರಾದೊ, ಅಲ್ಪಾವನಿತರ ಲ್ಹಾಡ್ ಬೋಲಾನು ಮಶ್ಲ ಮಾರಾನು ಮೋಟೊಕರಿ ಬೋಲಿಲ್ಯಾವಾನು, ಲಡೈ ನಖಾವನು, ಆಖ್ವಾರು ದೆಖಾವ್‌ಶಿಕಿ ಶುಕಿ ಕರಿ ಡರ್ ಮನ ಲ್ಹಾ.

21 ಮೇ ತುಮಾರಕನ ಪಾಟ್ಲೊ ಫರಿ ಆವಾದಿನ್ ಮಾರು ದೇವ್ ಮನ ತುಮಾರ ಖ್ವಾಮ್ವೆ ಮನ ಝುಕೈನಾಕ್‌ಶೆ ಕರಿ ಸೋಚುಸ್. ಅಗಾಡಿ ತುಮಾರಾಮ ಮೈಲು ಕಾಮ್, ಪಾಪೇಲುಕಾಮ್, ಪೋಕ್ರಿ ಕಾಮ್‌ಅಖ್ವಿ ಚಲ್ವೆನ್ ಪಶ್ಚಾತ್ತಾಪ್ ಕರೈಕೊಂತೆ ಕೈಏಕ್ ಜಣಾನಿ ಬಾರೇಮ ಮೇ ದುಖ್ ಕರಾನು ಪಡ್‌ಶೆ ಕರಿ ಮನ ಡರ್ ಲ್ಹಾ.

13

ಖ್ವರ್ತಿನ್ ಅಖ್ವಿ ರೈತಾವ್ವಿ ಅಜ್ಜು ಖ್ವಲಾಮ್

1 ಮೇ ತುಮಾರಕನ ಖ್ವಲಾಮ್ ಕರಾನ ವಳ್ಳಾವ್‌ಸ್ತೆ ಆ ತೀನ್ನಿ ವಖ್ಖತ್. ಬೇ ತೀನ್ ಭಣ ಸಾಕ್ಷಿನ ಮೊಡೆಡಿ ಹರೇಕ್ ವಾತ್‌ಬಿ ಬೋಲಾವ್ಣ ಕರಿ ಪವಿತ್ರ ದಪ್ತರಮ ಲೀಖ್ವಿರ್ದಾಸ್‌ನಿ.

2 ಮೇ ಬೇನಿ ವಖ್ಖತ್ ತುಮಾರಕನ ಆಯೋತದೆ, ಪಾಟ್ಲೊಫರಿನ್ ಆಯೋತೊ ತುಮುನ ಖ್ವತ್ಯೆಶ್‌ಕೊಂತೆ ಮ್ಹೇಲಿಶ್‌ಕೊಯ್ನಿ ಕರಿ ಕಿಮ್ ಬೋಲ್ಯೊಕಿ ಇಮ್ಮಸ್ ಗಯೋತೆ ದನ್‌ಮಾನು ಪಾಪ್ಕಾಮ್ ಚಲಾವವಾಳಾನಬಿ ಅಜ್ಜು ಖ್ವಾರಾನಾಬಿ ಮೇ ಬೋಲುಸ್.

3 ಕ್ರಿಸ್ತ ಮಾರಾಮ ರ್ವೀನ್ ವಾತ್‌ಬೋಲಸ್‌ಕರಿ, ತುಮುನ ಹೋಣುತೆ ಸಾಕ್ಷಿನ ಡೂಂಡಾಧಿ ಯೋ ತುಮಾರಿ ಬಾರೇಮ ಕಮ್‌ಜೋರಿ ರ್ವಯೋತೊಬಿ ತುಮಾರಮ ಶಕತ್‌ವಾಳೊ ಹುಯಿರರ್ವೊಸ್.

4 ಕ್ರಿಸ್ತ ಕಮ್‌ಜೋರಿಮ ಶಿಲ್‌ಬೇಪರ್ ಟಂಗೈಫೊ ಖ್ವಾಚಿಸ್. ಕತೋಬಿ ಯೋ ದೇವ್ನಿ ತಾಖಧೀಸ್ ಬಚ್ಚಾವಾಳೊ ಹುಯಿರರ್ವೊಸ್. ಹಮೇಬಿ ಇನೀನಿತರಸ್ ಕಮ್‌ಜೋರಿವಾಳ ಹುಯಿರರ್ವೊಸ್. ಕತೋಬಿ ಇನಿಜೋಡ್ಲ ದೇವ್ನಿ ಶಕಧಿ ಜಿವವಾಳ ಹುಯಿನ್ ತುಮಾರಿ ಶಕಧಿ ಜಿವಿಯೇಸ್.

5 ತುಮೆ ವಿಶ್ವಾಸ್‌ಮ ಛಾಕಿ ಕೊಯ್ನಿಕಿ ಕರಿ ತುಮಾರು ತುಮೇಸ್ ತರೀಪ್‌ಶ ಕರಿಲೆವೊ. ಕ್ರಿಸ್ತ ಯೇಸು ತುಮಾರಮ ಛಾಕರಿ ತುಮುನ ಮಾಲುಮ್‌ಛಾ: ಯೋ ತುಮಾರಮ ನಾರ್ವಯೋತೊ ತುಮೆ ನಾಲಾಯಕ್ ಹುಯಿರರ್ವೊಸ್.

6 ಕತೋಬಿ ಹಮೆ ನಾಲಾಯಕ್ ಕಾಹೆ ಕರಿ ತುಮುನ ಮಾಲುಮ್‌ಪಡ್‌ಶೇಸ್ ಪಡ್‌ಶೆ ಕರಿ ಹಮೂನ ಭರೋಖ್ವೊ ಛಾ.

7 ತುಮೆ ಖಿವೂಬಿ ಖರಾಬ್ ನಾಕರ್ವ್ ಕರಿ ಹಮೆ ದೇವ್ನಿ ಪ್ರಾರ್ಥನೆ ಕರಿಯೇಸ್. ಅನಾಮ ಹಮೇಸ್ ಯೋಗ್ಯ ಕರಿ ದೆಖಾವ್ಣು ಕರಿ ಹಮಾರಿ ಖ್ವಿಯಾಲ್ ಕಾಹೆ. ಹಮೆ ನಾಲಾಯಕ್ ಹುಯಿನ್ ದೆಖಾಯಾತೋಬಿ ತುಮೆ ಅಛ್ವಸ್ ಕರ್ನುಕರಿ ಹಮಾರಿ ಖ್ವಿಯಾಲ್.

8 ಖ್ವಾಚಿನ ವಿರೋದ್ ಹಮೆ ಶಾಪ್ಪಿ ಕರಾನ ಕೊಹೊಯ್ನಿ ಖ್ವಾಚಾಭಣಿಧೂಸ್ ಅಖ್ವು ಕರ್ನು.

9 ಹಮೆ ಕಮ್‌ಜೋರಿ ರ್ವಯಾತೋಬಿ ತುಮೆ ತಾಖತ್‌ವಾಳ ಹುಯಿರರ್ವೊತೊ ಹಮೆ ಖ್ವುಶಿಕರ್‌ಶು. ಆ ನಾಹುಯಿನ್ ತುಮೆ ಪೂರಪರಕ್‌ಧಿ ಬರೋಬರ್ ರ್ವೇವ್ಣುಕರಿ ಪ್ರಾರ್ಥನೆ ಕರಿಯೇಸ್.

10 ಅನಾಖ್ವಾಜೇಸ್ ಮೇ ತುಮಾರಕನಕೊಂತೆ ವಖ್ತ್ ಆ ವಾತೆಖ್ವಾರಿ ಲೀಖುಕರುಸ್. ತುಮುನ ರಡ್‌ಕೈನಾಖಾನ ಕಾಹೆ. ಭಾಂದಾನಖ್ವಾಜೆ ಪ್ರಭು ಮನ ದೀರಾಖ್ಯೋತೆ ಅದಿಕಾರ್‌ಧಿ ತುಮೆ ಕಠಣ್‌ನ ವತಾಳನ ವಖ್ತ್‌ನ ರ್ವೇವ್ಣುಕರಿ ಆಖ್ವುಕರುಸ್.

11 ಖರ್ಚಿನಿ ವಾತೆ ಶಾತ್‌ಕತೊ ಭೈಯೇ ಭೇನೆವೊ ಖುಶಿಕರೊ, ತುಮುನ ಬರೋಬರ್ ಕರಿಲೆವೊ; ಭಾಲಿವಾಳ ಹುಯಿರ್ದೆವೊ, ಎಕ್ಕಸ್ ದಿಲ್‌ವಾಳ ಹುಯಿರ್ದೆವೊ, ಸಮಾಧಾನ್‌ಧಿ ರ್ದೆವೊ; ಪ್ಯಾರ್‌ನಾಬಿ ಶಾಂತಿಬಿ ದೈವಾಳೊ ದೇವ್ ತುಮಾರಿ ಜೋಡ್ಡ್‌ರ್ದೆಶೆ.

12 ಪವಿತ್ರಧಿ ಏಕ್‌ಧಿಏಕ್ ಹಾತ್‌ಮಳ್ಳೆನ್ ಖಲಾಮ್ ಕರೊ.

13 ಪ್ರಭು ಯೇಸುಕ್ರಿಸ್ತನಿ ವಾರ್‌ಖ್ವೇಧಿಬಿ, ದೇವ್ ಪ್ಯಾರ್‌ಬಿ ಅಜ್ಜು ದೇವ್‌ಆತ್ಮಧಿ ಮಳಿನ್ ರ್ದೆವಾಳಖ್ವಾರು ತುಮುನ ಖಲಾಮ್ ಬೋಲ್‌ಶೆ.

14 ಅಪ್ಪೊ ಪ್ರಭು ಹುಯಿರೋತೆ ಯೇಸುಕ್ರಿಸ್ತನಿ ಕೈಪೆಬಿ ದೇವ್ ಪ್ಯಾರ್‌ಬಿ, ಪವಿತ್ರಾತ್ಮನಿ ಲಾಡ್‌ಬಿ ತುಮಾರ ಖ್ವಾರಾಸ್‌ನಿ ಜೋಡ್ಡ್‌ರ್ದೆವಾದೆ.

ದೇವ್ವಿ ಖಾಜಿ ವಚನ್

The New Testament in the Vaagri Booli language of India: ದೇವ್ವಿ ಖಾಜಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖಾಜಿ ವಚನ್ ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06